



La Géorgie
 Indépendante
 Revue mensuelle
 JUILLET
 1928—№ 31

ო ვ ლ ი ს ი
 1928 წ.
 № 31

დასავლეთკავკასიელი სახალხო მუშაკი

ს ა ქ ა რ თ ვ ე ლ ე ს პ ე ლ ი ტ ი კ უ რ ი პ ა რ ტ ი ე მ ი ს ო რ გ ა ნ ე .

მ ი ნ ა ა რ ს ი :

მეტაურთი—«რუსეთის ნავთი».
 კაქი—კავკასიის ერთა სოლიდარობისთვის.
 ედ. პ—ვა საქართველოს სახალხო მუშურნობა.
 გ. გვარჯალაძე—ირლანდ. ბრძოლა თავის უფლებებ.
 მ—თურქეთი.
 ივ. —იმე კომუნისტური სპეკულიაცია.

ფრ. ლამბერტი—კავკასელი ერები და კავკ. საკითხი.
 უცხოეთის მიმოხილვა.
 რას სწერენ ბლოშევიკებზე.
 ბიბლიოგრაფია.
 ევრისელი—ხმა სპარსეთიდან.
 წერილი რედაქციის მიმართ. და სხვ.

« რ უ ს ი ს ნ ა ვ თ ი »

ეს ერთი ხანია, უცხოეთის პრესა დიდ ადგილს უთმობს კულისებში წარმოებულ მოლაპარაკებასა და კომბინაციებს, ბაქო-გროზნის ნავთის ირგვლივ. ამბობენ, ნავთის მსოფლიო «მეფენი»: ამერიკის სტანდარტ ოილ და ინგლის-პოლანდიის როილ დატჩ შელ მორიგდენ იმაში, რომ იცნონ ძველ მრეწველთა უფლება და ნავთის უცხოეთში გამოხიდვის მონაპოვია ხელთ იგდონ. მოსკოვის სააგენტო ტასს უარყოფს ამ ცნობას, მაგრამ ისე მიკიბულ-მოკიბულათ, რომ კიდევ უფრო რწმუნდებით მის სიმართლეს!

საქმე აი რაშია: სტანდარტ ოილს, რომელსაც ადრევე მიენდა ნობელი, და როილ დატჩ შელს ერთათ უკვე ეკუთვნით, ომის წინა ანგარიშით, ამოღებულ ნავთის (დობიჩა) დაახლოებით 70 პროც.; დანარჩენი 30 პროც. მოდის ზოგიერთ სხვა უცხოელებზე (ბელგიელი, ფრანგნი...) და უმთავრესათ იმპერიის ყოფილ ქვეშევრდამებზე (თათრები, სომხები, რუსები). ამ ადგილობრივ მრეწველთა უფლების ცნობა იმაში გამოიხატება, რომ ისინი იღებენ ამერიკა-ინგლისის დიდ ფირმებისგან მათი ქონების საერთო შეფასების 10 პროც.-ს ნაღდათ, ხოლო დანარჩენი 90 პროც. მათ მიეცემათ ახალი აქციების სახით; სამავიეროთ მათ უფლებათა სრულს წარმომადგენლობას ისინი ანდობენ სხენებულ ფირმებს.


ამ რიგათ, როცა ბაქო-გროზნის ნავთის წარმოების მთელი ან თითქმის 100 პროც. სტანდარტ ოილის და როილ დატჩ შელის კონტროლს დაექვემდებარება, მაშინ მოსკოვი იძულებული გახდება ქედი მოიხაროს მათ წინაშე.

დღემდე მოსკოვი სარგებლობდა დიდი და პატარა მენავთეთა შეჯიბრებით და ყიდდა ნავთს და მის სურთგატებს ვისზეც მოეპრიანებოდა. არ ხერხდებოდა ძველი მეპატრონეთა მიერ სასამართლოს ან

სხვა გზით ხელის შეშლა. არავინ დაობდა იმაზე, რომ ნავთი «ნაქურდი» იყო, მაგრამ იმის დამტკიცება, რომ ის ეკუთვნოდა ამა თუ იმ მრეწველს, არავის შეეძლო, რადგან ერთი წვეთი ნავთისა მეორესა ჰგავდა. ამას ხედ დაერთო ისიც, რომ სტანდარტ ოილ და როილ დატჩ შელ სასტიკათ ებრძოდენ ერთმანეთს: პირველი ყიდულობდა მოსკოვისგან ნავთს, მეორე კი არა, რასაც შედეგად უნდა მოჰყოლოდა ფასების დაცემა და ზარალი. თუ ეს ფირმები შერიგდენ და ძველ უფლებათა 100 პროც. ხელთ იგდეს, მათ ეძლევათ ფორმალური საშუალება საბჭოთა ნავთის ყველა «წვეთებზე» განაცხადონ პრეტენზია და მით გადაეღობონ მის გაზიდვას უცხოეთში. და ეს «უსიამოვნება» რომ თავიდან აიცილოს, მოსკოვი, გარდა იმისა, რომ მას ფასებს გარედან უკარნახებენ, იძულებული იქნება, როგორც განმარტავენ, ამ ფასებიდანაც 10 პროც. დაუქლოს იმ თანხის ასანაწლადურებლათ, რომელსაც ამერიკა-ინგლისის ფირმები ძველ მრეწველებს ჰპირდებიან!

ეს არის, ასე ვთქვათ, მთელი კომბინაციის ფინანსური მხარე, ჩვენ კი გვინტერესებს, პირველ რიგზე, მისი პოლიტიკური მხარე. როგორ და რანაირათ მოხდა, რომ ამერიკა-ინგლისის უდიდესი ფირმები სწორეთ მაშინ აცხადებენ სურვილს შეეკრან მოსკოვის, როცა საბჭოთა დღენი ყველგან დათვლილათ არის აღიარებული? რას ფიქრობენ ვაშინგტონისა და ლონდონის გარეშე საქმეთა მინისტრები: კელოვი და ჩემბერლენი? ნუ თუ ისინი ფირმების ზურგს უკან დგანან და სერიოზულათ მოუწადინებიათ მომაკვდავ რეჟიმის სიცოცხლისკენ მობრუნება? ჩვეულებრივ, არც ერთი დიდი ფირმა არ ეკვრის მოსკოვს, თუ მან წინასწარ თავის საგარეო სამინისტროს, მთავრობის დასტური არ მიიღო.

პასუხი ამ კითხვებზე არც ისე ძნელია, თუ მიუ-



გებთ შემდეგ კითხვას: რატომ მაინც და მაინც ეხლა დაინტერესდნენ ხსენებული ფირმები ბაქო-აზერბეიჯანის ძველ მრეწველთა სვე-ბედით? რატომ სცნობენ მათ უფლებას, მათ კერძო საკუთრებას? აქამდისინ სად იყვნენ? ჩვენ ვერ დავიჯერებთ, რა თქმა უნდა, ვითომ ისინი ხელმძღვანელობენ უფლებებისა და სამართლიანობის მოსახრებით. «ნაქურდი» ნავთი არა-ნაქურდად ვერ იქცევა იმით, რომ იგივე მოსკოვი გაჰყიდის მას ჩაღის ფასად. ასეთი ბედოვლათობა, თუ გნებავთ, ყოველი ქურდის თანდაყოლილი თვისებაა.

ახსნა, მაშასადამე, იმაში უნდა ვეძიოთ, რომ საბჭოთა რეჟიმს სწორეთ დიდი ხნის სიცოცხლე არ უწყერია! სტანდარტ ოილ და როიოლ ტატჩრ ოილ ამ თითოევე ცდომობენ თავისი კონტროლი და აწისონ ბაქო-გროზნის მთელ მრეწველობაზე და ზედ. სანამ ადგილობრივი მრეწველები, უმეტესათ ლტოლვილინი, ნივთიერ გაუკვირებას განიცდიან, მათი უფლების შექმნა არა მარტო ადვილია, არამედ სარფიც: ნახევარ და კიდევ უფრო ნაკლებ ფასებში გაჰყიდებიან ისინი მას.

ნავთის «მეფენი» არ დაგიდევნენ, თავის თავათ ცხადია, ვინ იქნებიან ბოლშევიკების მეგვიდრენი: გაერთიანებული რუსეთი თუ აზერბეიჯანის და მთის აღდგენილი რესპუბლიკები. მათ იციან ერთი რამ ძალიან მტკიცეთ: ბოლშევიზმი გაჰქრება თავისი ფსევდო-სოციალიზმით და მის ნანგრევებზედ აღმოცენდება უფლებრივი სახელმწიფო, სულ ერთია, რა სახის, მხოლოდ ბურჟუაზიული და, მაშასადამე, კერძო საკუთრება მისი საფუძველი განდება.

ჩვენ ვიცით და გვწამს კიდევ, რომ კრემლის სტუმრები ვერ იქნებიან კარგ გუნებაზე. «იზვესტია» პირით ცეცხლს აფრქევს იმის გამო, რომ ჩერჩილი დიპლომატიურათ მიუვებს ტრავაისტებს თემათ პალატაში: ანგლო-პერშიანის საქმეში ჩვენ არ ვერევითო. ეს საზოგადოება, რომლის პორთფელი ინგლისის საზღვაო უწყებას უჭირავს ხელში, ურევია, ზევით დასახელებულ ფირმებთან, იმ შეთანხმებაში, რომლის ძალით საბჭოთა ნავთი ინდოეთის ბაზრიდან უნდა განიდევნოს. მოსკოვის პუბლიცისტები გულს იმით იკეთებენ, რომ ნიუორკის სტანდარტ და ვაკაუმ კიდევ ყიდულობენ მათ ნავთს, მაგრამ ვერც იმას უარყოფენ ისინი, რომ ნიუჯერსის სტანდარტ, რომლის კონტროლს ეს ორი, შედარებით, პატარა ფირმა ექვემდებარება, სულაც არ ყიდულობს მისგან ნავთს.

თავი და თავი სწორეთ ამ «მეფეთა» შეთანხმებაა, დანარჩენი თავისით მოვა; ისინი ბატონობენ მოფლიო ბაზარზედ, ევროპისაშიც, ცხადია, და შეუძლიათ სულ ადვილათ აქედანაც განდევნონ მოსკოვის საქონელი, თუ გინდ ძველი მრეწველები განზე დარჩენ. უკანასკნელთა ნაწილობრივი დაჰყიდულება, როგორც ვთქვით, ხვალინდელი პერსპექტივებით არის გამოწვეული. ვინცარ უნდა იქნეს ამბობენ ისინი — ბაქო-გროზნის ხვალინდელი ბატონ-პატრონი, ჩვენ მიერ შექმნილი კერძო საკუთრება ურყევი დარჩებაო. ნუ დაივიწყებთ, ნავთის ნამდვილი ბატონ-პატ-

რონი ისაა, ვისაც ხელთ უჭყრია მისი განაწილება მსოფლიოში: ტრანსპორტი, რეზერუარები, მთელი მოწყობილობა. აქედან გამომდინარეობს, სხვათა შორის, ის განსაკუთრებული მდგომარეობა, რომელიც საქართველო-ბათუმს უჭირავს ბაქოს მიმართ, როგორც გზას, თავისი მოწყობილობით. შეიძლება წინდაწინ გადაწყვეტილათ ჩაითვალოს, რომ ბაქო-გროზნის მთელი მრეწველობა ჩქარა მომავალში, ე. ი., როცა ბოლშევიზმი გადავარდება, ერთი ვეება ტრესტის ხელში გადავა და ყოფილი მრეწველები მის უბრალო «აპიშიკებათ» იქცევიან.

მოსკოვი დიხასაც არა წინააღმდეგეი, რომ კონცესიები გასცეს ბაქო გროზნში, ამგვარი მოლაპარაკება არა ერთხელ მომხდარა გასულ წლებში. ცნობილია, მოსკოვმა მაღლია, ნავთის ამოღების მხრით, ომის წინა დონეს, მაგრამ, რას აკეთებს, მას სწირათ მეტი უჯდება საქონელი, უფარვის ტენიციისა და ორგანიზაციის წყალობით, ვინემ ყიდის გარეთ. მაგრამ, სწორეთ ბოლშევიზმის «განსაკუთრებული ბუნების» გამო, უცხო კაპიტალი არ ეტანება კონცესიებს. გამოცდილებაც საკმაო აქეთ ამისათვის: განისხენეთ, რამდენი კონცესია გაუქმდა რუსეთში, პარიმანის კონცესიის ლიკვიდაცია ჩვენ შავ-ქვანზე ხომ უაღრესათ მუერმტყვევი მაგალითია!

და აი აქ ისმება კითხვა: რა ხელი აქვს მოსკოვს ან ნავთზე, ან შავ ქვანზე? ვინ მისცა მას უფლება ადგილობრივ ერთა—აზერბეიჯანელთა, მთიელთა, ქართველთა—ავლადიდებით ივაჭროს? არა ერთხელ გვითქვამს აქ, და ჩვენს სრულუფლებიან ელჩს, ისე როგორც აზერბეიჯანის და მთის დელეგაციებს, მრავალჯერ განუცხადებიათ სასტიკი პროტესტი იმის გამო, რომ მოსკოვის ყაჩაღები ფართე შარაგზანზედ სცარცვანე კავკასიის ერებს. მათ მშრომელ მასებს, მეორეს მხრით, უცხოელი კაპიტალისტები, ვინც ყიდულობენ ჩვენ ქონებას და ბაჯალლო ოქროს უთვლიან ხელში ჯერ არ მოსწრებულ მტარვალებს, რათა მათ თუ გინდ ერთი დლით გააგრძელონ ჩვენი ერების წამება, ივიწყებენ, რომ მოსკოვის ხელის მოწარა არაა სავალდებულო კავკასიის აღდგენილ რესპუბლიკათა ხელისუფლებისათვის.

განსაკუთრებით საპასუხისმგებლოა, ამ ისტორიულ მომენტში, აზერბეიჯანის და მთის ეროვნულ ბურჟუაზიის როლი. ნივთიერი შევიწროება კიდევ არაა საკმაო საბუთი, რომ ანგარიში არ გაუწიონ საკუთარ ქვეყნების პოლიტიკურ მომავალს. ისინი არიან, მართალია, კერძო მესაკუთრენი თუ კონცესიონერები, მაგრამ ეს კიდევ არ აძლევს მათ ნებას დაივიწყონ ეროვნული «მე». რას ეტყვიან ისინი, შინ დაბრუნებისას, თავიანთ ხალხებს? ან თუ პკონიათ თავისუფალი არიან ყოველგვარ მფალეობისაგან? მწარეთ ცდებიან, თუ ასე ფიქრობენ. კავკასიის პოლიტიკურ ემიგრაციაში, მენაეთეთა გარდა, სხვაც ბევრია ბურჟუაზიული წრეებიდან, ვინც მათზე ნაკლებ გაუკვირებას არ განიცდიან. როცა სამშობლო განსაცდელშია, ერის ყველა კლასები უნდა შემოკრბენ პოლიტიკურ ცენტრის ირგვლივ, — მას ჰქვია ევროპიული მეთოდი განმათავისუფლებელ ბრძოლისა.

ვერ დავმაღავთ, ჩვენ არ ველით სომხის და რუ-



სის მენავთეებისაგან რიდსა და მოკრძალებას კავკასიის ქედზედ მიჯაჭულ ამირანის წინაშე. განა ისინი არ არიან, ვინც დღიდან ჩვენი უბედურებისა, და-ლალობას ეწევიან მოსკოვსა და უცხოელ კაპიტა-ლისტებს შორის? ჩვენ ვიტყვით, რომ მათ უფლებათა ლიკვიდაცია, უცხოელთა სასარგებლოთ, შეიძლება დადებითი მოვლენაც კი იყოს! წინეთაც არ ჰქონდათ მათ საბუთი ბაქო-აზერბეიჯანის ნავ-

თისთვის «რუსის ნავთი» ეწოდებოდათ, რადგან რუსებს წარმოების 10 პროცენტიც არ მოუწევდათ; ხოლო მას შემდეგ, რაც ეს ლიკვიდაცია მოხდება, ყველა-სათვის აშკარა გახდება, რომ რუსებს, ხიშტის გარ-და, არაფერი დარჩენიათ კავკასიაში.

და ეს ხიშტიც ჩქარა გადატყდება, და ვინც მა-ნამდის მასზედ წამოსკუპებას მოინდომებს, ზედ ჩა-მოენცობა.

კავკასიის ერთა ხელიდართობისთვის.

კავკასიის ერთა შორის სოლიდარობის განმტკი-ცება, აი მთავარი ამოცანა, რომელიც სდგას კავკა-სიის ერთა განმათავისუფლებელ მოძრაობის წინაშე. ვისაც სურს განათავისუფლოს თავისი სამშობლო მტრისგან და დააყენოს იგი ეკონომიური განვითარების გზაზე, პირველ ყოვლისა უნდა ეცადოს კავკასიის ერების შეთანხმებას და მათ შორის სახელმწიფოებრივი კავშირის შექმნასა. ხოლო მას, ვი-საც უნდა იბატონოს კავკასიაში,—მან შუილი და მტრობა უნდა სთქვას ამ ერებს შორის. კავკასიის თავისუფლების მტრებს ეს დებულება ყოველთვის კარგათ ქონდათ შეგნებული. ამ მხრით ისინი მოხერ-ხებულათ მუშაობდნენ და მუშაობენ დღესაც.

«დიდი რუსეთის» მოტრფიალენი თავის გან-ზრახვებზე ხელს არ იღებენ და ძველ სიმღერებს ახალ ჰანგებზე გვიმღერიან. რაც ვერ შე-სძლეს მეფის მოხელეებმა და კომპანიათ, მის გაცე-თებას ცდილობდნენ რუსის ემიგრაციის პოლიტი-კოსები. მათ განსაკუთრებით მიზანში ამოიღეს ქარ-თველ-სომეხთა ურთიერთობა და ყოველი გზითა და საშვალებით ცდილობდნენ მათ შორის მტრო-ბის ჩამოგდებას. ვინ არ გნებავს, რომ ჩვენზე «მზრუნველობას» არ იჩენდეს, ჩვენ არ «გვასამართ-ლებდეს»? დიდი კაცის მანით შეპყრობილი პოლი-ტიკოსი, ისტერიკიანი დედა-კაცი, სოციალიზმის ნიღაბს ამოფარებული «ველიკოდერჟავნიკი» და პირწავარდნილი მონარქისტი, ყველა სომეხ-ქართ-ველთა ურთიერთობაზე სწორს და მსჯელობს. ყველა მათგანი ცდილობს «ბუზისგან სპილენძს» და ქვეყანას მოაჩვენოს—სომეხები და ქართველები ერთ-მანეთს სჭამენო. განსაკუთრებითს ყურადღებას გვა-ქცევენ «დნისა» და «სოვ. ზაპისკის» გარშემო თავმო-ყრილი მემარჯვენე ესერებიც, რომელთაც განზრახ თავი სომეხების დამცველათ მოაქვთ. მაგრამ საკმა-რისია პატარა დაკვირება, რომ მათი «მზრუნველო-ბისა და მფარველობის» ფარული მიზანი აშკარა გახდება.

ომი რომელ ერსა და სახელმწიფოს არ ქონია ერთმანეთთან, მაგრამ აქედან დასკვნა არავის არ გა-მოუტანია, რომ მათი მორიგება და მეგობრობა აღარ შეიძლებაო. მსოფლიო ომში ყველაზე უფრო კულ-ტურულმა ერებმა ერთმანეთის სისხლი დაღვარეს. მიუხედავათ ამისა, კაცობრიობის საუკეთესო ნაწი-ლი ცდილობს იგი დავიწყებას მისცეს და გუშინ-დელი მტრები ერთმანეთს დაუმეგობრონ. ევროპის დემოკრატიის მთელი მუშაობა მიმართულია იქი-

თვენ, რომ ომის მიერ გამოწვეული ტკივილები მოსპოს და დავიწყებას მისცეს. და აი ამ დროს, რუსის დემოკრატები და მემარჯვენე სოციალი-სტები სომეხ-ქართველთა სამი დღის ომს, რომე-ლიც თვით სომხისა და საქართველოს ხალხმა დაივიწყა, შეგნებულათ აზვიადებენ და სადემოკრი-ათ იყენებენ.

ქართველებმა სომეხებს უღალატესო, ხშირათ წი-კითხავთ რუსულ ყურნალ-გაზეთებში. თუმცა კარგათ იციან, რომ არავითარ ლალატს ადგილი არ ქონია.

ვნახოთ სინამდვილეში ვინ უღალატა სომეხებს? თუ ისტორიას გადავხედავთ და ფაქტებს გადავზინ-ჯავთ, დავინახავთ, რომ ამ მხრით რუსის საზოგა-დოებას მაინც და მაინც არ აქვს პირნათლათ საქმე სომხის ერის წინაშე. დამტკიცებული ფაქტია, რომ მეფის რუსეთი ერთის მხრით აქეზებდა სომხის ერს ოსმალეთის წინააღმდეგ, ხოლო მეორეს მხრით იგი სულთანს ეხმარებოდა სომეხების შევიწროებაში და კერძოთ დაზნაცუტიუნის პარტიის დარბევაში. ასე-თი იყო მეფის რუსეთი. ეწლა ვნახოთ, როგორ დაუ-ფასა სომხის ერს მსხვერპლი რუსის საზოგადოებამ: მსოფლიო ომის დროს მთელი რუსის საზოგადოება, დაწყებული პურიშკევიჩით და გათავებული კერენს-კით, გარდა სოციალისტების ერთი ნაწილისა, სომ-ხის ერს ოსმალეთის წინააღმდეგ აქეზებდა და განთა-ვისუფლებას პირდებოდა. სომხის ერთი გულწრფე-ლათ ჩაება ომში და გაიღო დიდი მსხვერპლი. ჩვენ სომხის ერის ეს პოლიტიკა თავიდან შეცდომათ მი-გვაჩადა, რადგან დარწმუნებული ვიყავით, რომ იგი მას უბედურების მეტს არას მოუტანდა. სამწუხაროთ ჩვენი აზრი გამართლდა. რუსის ჯარის კავკასიის ფრონტიდან მოხსნის შემდეგ, სომხის ერმა თავისი საკუთარი ძალით, ავთ იყო თუ კარგათ დამოუკი-დებლობა მოიპოვა და გამარჯვებულ ანტანტას მო-სთხოვა მისი ცნობა და სომხის ერის ინტერესების საერთოთ დაცვა.

მერე როგორ შევხედნენ სომხის ერის ამ სამართ-ლიან მოთხოვნილებას რუსის საზოგადოებრივი წრე-ები და გაანადღეს თუ არა მათ მიერ სომხის ერისა-დმი გაცემული თამასუქები? არა. დახმარების მაგი-ერ, სადაც კი შეეძლოთ, ხელი შეუშალეს. რაც შე-ენება მემარჯვენე ესერების «მოღვაწეობას», რომე-ლთაც დღეს სომხის ერის გულშემეტკივრათ მოაქვთ თავი, მას საკმაოთ ფარდა ახადა ესერების ბელადმა აშხ. ვ. ჩერნოვმა წერილში «წაგებულ საქმეთა დამც-ველი» («რევ. როს.» № 66-67) და ვისაც სურს გაიგოს

ამ ხალხის ნამდვილი ზრახვანი, წაიკითხოს იგი: რუსის საზოგადოება გვიკვირებს: კავკასიის დამოუკიდებელმა რესპუბლიკებმა სადაო კითხვების მოგვარება ერთმანეთ შორის ვერ შესძლეს და ურუსეთთ ვერც შესძლებნენ. ერთი რომ ეს სახეებით სწორი არ არის. მკირე დროს განმავლობაში მათ ბევრი კითხვა ამოსწორეს და რომ დასკოლდათ, უეჭველია დანარჩენებსაც მოგვარებდნენ. ასეც რომ არ იყოს, რა არის აქ ისეთი, რომლის გამოსწორებაც არ შეიძლებოდა? ვერაპა ჩვენზე უფრო კულტურისანი და გამოცდილია, მაგრამ მან 10 წლის განმავლობაში ვერ შესძლო ყველა სადაო კითხვების გადაჭრა და რა გასაკვირალია, თუ გამოუცდელმა, ახალგაზდა რესპუბლიკებმა 2-3 წლის განმავლობაში ეს ვერ შეძლეს? მე ვფიქრობ, რომ მოწინააღმდეგეთ არ აწუხებს, რომ კავკასიის ერები სადაო კითხვების გადაჭრას შეძლებენ; ამის ნიშნებია და ეს უკლავს გულს მათ. ამით აიხსნება, რომ კავკასიის ერების მიერ გაერთიანებისკენ ყოველ გადადგმულ ნაბიჯს ისინი აურზაურით ხვდებიან.

რუსები ძლიერ ბევრს ლაპარაკობენ ქართველებისა და სომხების ერთმანეთის სიძულვილის შესახებ. ესეც ისეთივე სიმაბოლოა, როგორც დანარჩენი. შეიძლება ვიწრო წრეებში ორივე მხრით ქონდა და აქვს ამას ადგილი, მაგრამ არასოდეს საქართველოსა და სომხის დემოკრატიას ერთმანეთისადმი სიძულვილი არც განუცდია და არც განიცდის. ყოველ შემთხვევაში ჩვენმა ხალხმა არ იცის სიტყვა «არმიაჟკა» და ქართველი საზოგადოება, რუსის საზოგადოებასავით «სომხური ანეკდოტებით» არ იქცევს თავს. ამ ორი ერის დემოკრატიის გადაკიდება ვერ შესძლეს მეფის მოხელეებმა და ვერ შეძლებენ მას ვერც მისი შემკიდრენი.

მაგრამ, რომ გარეშეთა პროვოკაციას არავითარი გასავალი არ ექნეს ჩვენ შორის, ამისათვის საჭიროა კავკასიის ერთა პოლიტიკური მოღვაწენი ერთხელ და საბოლოოთ დასდგენ კავკასიის ერთა სოლიდარობის ნიადაგზე. ამას მოითხოვს კავკასიის ერთა თავისუფლების ინტერესები, ამას გვიკარნახებს საერთაშორისო დემოკრატია. ამიტომ არ არის საჭირო ისეთი კორესპოდენციები, როგორიც ამას წინეთ «ტნიში» «არადაზნაკის» ფსევდონიმით იყო მოთავსებული. მეფისა და ბოლშევიკების აგენტების ნამოქმედარს, ჩვენს ურთიერთობას საფუძვლათ ვერ დავუდებთ.

მართალია, 70 წლის განმავლობაში სომხის ერი თავისს საკუთარ, კავკასიის ერებისგან განკერძოვებულ ეროვნულ პოლიტიკას აწარმოებდა, მაგრამ ამ პოლიტიკამ, მიუხედავად დიდი მსხვერპლისა, მიზანს ვერ მიაღწია. ამ პოლიტიკის მთავარი ძარღვი იყო, — გარეშე ძალის დახმარებით და კერძოთ რუსეთის, სომხის ერის ოსმალეთის უღლიდან განთავისუფლება და დიდი სომხეთის შექმნა. ამ მიზნით, სომხეთმა რუსეთის ოსმალეთთან ყველა ომებში აქტიური მონაწილეობა მიიღო, მისგან მოვლოდა ხსნას, მაგრამ შედეგათ მას მხოლოდ სომხის ერის განადგურება მოყვა. ეს განსაკუთრებით ნათელი გახდა მსოფლიო ომის შემდეგ: ეს გაკვეთილია სომხის ერის-

თვის და საერთოთ ყველა ჩაგრულ ერთათვის, და არა გვეგონია, რომ ეს შეცდომა კიდევ ვინმემ განიმეოროს. მიუხედავად ამისა, როგორც ხსანს ამ პოლიტიკას სომხის ერში კიდევ ყავს მიმდევრები. სხვებს რომ თავი დავანებოთ, სომხის ბურჟუაზიის წარმომადგენელის მ. ათაბეგოვის «დნის» რედაქციის 5 მარტის კრებაზე განცხადება ამას მოწმობს. მას გონია, რომ სომხის ერს ისევ დიდი რუსეთი იხსნის.

უნდა აღვნიშნოთ, რომ რუსეთი არასოდეს არ ყოფილა სომხეთის გულწრფელი მოსარჩლე. «რუსეთს სომხეთი უნდა უსომხებოთო», არ იყო მეფის მოხელის შემთხვევითი წამოსრულილი ფრაზა. მასში გამოხატული იყო რუსეთის პოლიტიკის ნამდვილი შინაარსი. მეფის რუსეთის სომხეთის საკითხისადმი დამოკიდებულება კიდევ უფრო გარკვეულათ ჩამოაყალიბა გარეშე საქ. მინისტრმა თავ. ლობჯინაძე-როსტოვსკიმ, რომელმაც 1895 წ. 4 ივლისს, ინგლისის ელჩს განუცხადა: «რუსეთი არასოდეს არ დასთანხმდება თავისი საზღვრების ახლოს შექმნას ისეთი ტერიტორია, სადაც სომხები განსაკუთრებული უფლებებით და პრივილეგიებით იქნებიან აღჭურვილი. ერთი სიტყვით, ის არასოდეს არ შექმნის სომხეთიდან მეორე ბულგარეთსო». ამ პოლიტიკისთვის მეფის რუსეთს ერთი წუთითაც არ უღალატია.

მაგრამ ის, რაც არ მისცა სომხის ერს მეფის რუსეთმა, შეიძლება მისცეს ბურჟუაზიულმა რუსეთმა? ჩვენის აზრით მასზე იმედის დამყარებაც თავის მოტყვილებათა. აი რას სწერს ამის შესახებ ბურჟუაზიულ-იმპერიალისტური რუსეთის საუკეთესო წარმომადგენელი პ. მილიუკოვი: «რუსეთის ინტერესების მიხედვით, ამბობს იგი, არამც თუ დიდი სომხეთის შექმნა, არამედ პატარა სომხეთისთვის მისი შემოერთება, არ არის სასურველი, ვინაიდან ეს ხელს შეუწყობს განდგეს სომხეთი საერთაშორისო შეჯიბრების საგნათ, როგორც პოლიტიკის, ისე ეკონომიკის სფეროში» (პ. მილიუკოვი «რას ელის რუსეთი ომისგან». გვ. 61). აქ ყველაფერი ნათლათ არის ნათქვამი. ამ პოლიტიკას იზიარებენ რუსეთის რადიკალური წვრილ-ბურჟუაზიული წრეებიც. ისინი მილიუკოვთან ერთათ შეებრძოლენ სომხეთის დამოუკიდებლობის ცნობას.

ამას გარდა უნდა მივიღოთ ისიც მხედველობაში, რომ მსოფლიო ომის შემდეგ აზიაში მდგომარეობა ძირიანათ შეიცვალა, აზიის ხალხები ამოძრავდნენ და დღეს თუ ხვალ საბოლოოთ გაინთავისუფლებენ თავს დიდ სახელმწიფოთა «მფარველობიდან». ამავე დროს რუსეთში შეიქმნა ისეთი ძალთა განწყობილება, რომ არა გვეგონია მან შესძლოს აზიაში თავისი პოლიტიკის განხორციელება. ამაზე შეუძლიათ იოცნებონ «დიდი რუსეთის» იდეის მატარებელთ, ეს მათი საქმეა, ხოლო კავკასიის ერებმა ამით თავი არ უნდა მოიტყვილონ. იგივე ითქმის მათზე, ვინც «დიდი ოსმალეთის» პოლიტიკაზე ამყარებდა თავის იმედებს. კავკასიის ერებმა ორივე ამ პოლიტიკას ერთხელ და სამუდამოთ ჯვარი უნდა დაუსვან და ორივე ფეხით კავკასიის ნიადაგზე უნდა დადგენ.



საქართველო ხახალხ მკურნეობა.


რას წარმოადგენს დღეს ეკონომიურათ საქართველო, მომწყვდეული ისეთ ინდუსტრიალურ ქვეყნის ოკუპაციის ქვეშ, როგორცაა საბჭოთა რუსეთი? უკიდურეს პოლიტიკურ ჩაგვრის რეჟიმში მყოფი ქართველი მუშა და გლეხი კიდევ უარეს ეკონომიურ ჩაგვრას და ექსპლოატაციას განიცდიან რუსეთის ეკონომიური პოლიტიკის წყალობით. მრეწველობის ჩანასახი თუ იყო საქართველოში, ბოლშევიკებმა ისიც მოსპვეს. მურღულის და კვარცხანის სპილენძის მადნები და ქარხნები ოსმალეთს უფეშქაშეს; ალავერდის სპილენძის ქარხანა—სომხებს. ჩათახის რკინის ქარხანა კი მიკეტეს, რადგან ადგილობრივ ბაზარზე კონკურენციას უწევდა რუსეთის რკინას. ვითომ ამ გაჩუქების საკომპენსაციოთ მოსკოვმა საქართველოს მათდის ქარხანა აჩუქა. ჯერ მოსკოვს რა აქვს, რომ სახეირო რაიმე გააჩუქოს. ამოდენა მანძილზე ამ დამტვრეულ, ადამის წლის მანქანების გადმოსაზიდავათ, ალბათ, ფრანტი მანქანების ღირებულებაზე მეტი დაჯდა. მარა მოსკოვის «პროლეტარიატის» ნაჩუქარი თავის თავათ ძვირფასია—კეთილი გულით მოაღწილი მცირედიც შეწირებისა. და მართლაც დადგეს ქარხანა ქუთაისში და ამუშავეს. რაც იმაზე საქ. სახ. მეურ. უმ. საბჭო გაჯახირდა, პირდაპირ საცოდაობაა. დიდი სურვილი იყო, დიდი მონდობება, რომ ეს «მცირედი» როგორმე შეწირული ყოფილიყო საქართველოსთვის, მარა ამის მაგიერათ განწირული გამოდგა მისი ბედი: ორი წელიწადი იბოგინა ქარხანამ დიდის ვაი-ვაგლანით და ბოლოს კი დადგა, მიხურეს.

დიდი სიმდიდრე და შედარებით ადვილი საქსპლოატაცია მადანი—შავი ქვა მოსკოვმა ამერიკელებს მისცა. ხელშეკრულება დაიდო დიდის ამბით, ათსავგარი კომენტარიებით, სადაც ბოლშევიკები საოცნებო პერსპექტივებს უქადდენ ამ საქმეს: მოითმინეთ, მართალია შემოსავალი კონცესიიდან მოსკოვის ხაზინაში შედის, მაგრამ სამაგიეროთ ფირმას ქართული სახელწოდება აქვს—«საქართველოს მარგანეტი», სამაგიეროთ საქართველო აყვავდება, ფოთში ელევატორები და სხვა დიდი მექანიკური მოწყობილებები დაიდგება, ახალ რკინის-გზას გაიყვანებენ, ქართველი გლეხი და მუშა სამუშაოს იზოვნის—უმუშევრობა მოისპობა და სხ. და სხ. ამის მაგიერ რას ვხედავთ? კონცესია მეოთხე წელიწადია ძალაშია შესული და არასფერი... სამი წლის ფიქრის შემდეგ პარიზანმა უარი განაცხადა ხელშეკრულების ბევრი პუნქტების შესრულებაზე და მათ შორის ძველი-ვიწრო რკ. გზის ლიანდაგის გაფართოებაზედაც. ქვის ამოდება, რასაც წინთ «ჩემო» აწარმოებდა, იმის მაგიერათ, რომ ხელშეკრულების ძალით გაზრდილიყო, სრულიად შეჩერდა; ამ უკანასკნელ თვეებში ექსპორტიც შეწყდა. ჭიათურა და მისი მრეწველები საშინელ კრიზისს განიცდიან. პარიზანმა კი, მეორე მხრივ თავის ბრაზილის ქვას მსოფლიო ბაზარზე მონაპოვია მოუპოვა. ასე უძღვებიან ბოლშევიკები საქართველოს მრეწველობას.

კიდევ უარეს მდგომარეობაშია სასოფლო-მეურნეობა. მასზე მზრუნავი და თავის შემწუხებელი ფორმალურათ არავინ სჩანს. ტრაქტორები კი ჩამოიტანა «ნარკომშემმა» აქა-იქ, მარა მისი მხმარებელი არავინ არის და კიდევ რომ იყო, მოსახმარათ არ ვარგა, ისე, ხან და ხან, წითელი დროებით მორთულს გაატარებენ ქალაქებში და დაბებში ოქტომბრის და თებერვლის «დღესასწაულებზე». ხდება და უკვე მოხდა ბევრი სას.-მეურნ. ძვირფას კულტურის გადაშენება. მაგალითად, ბამბის კულტურა ომამდე არსებულთან შედარებით არაფერს არ წარმოადგენს. ბამბის თესლს კი ურიგებენ დროგამოშვებით გლეხებს, მაგრამ გლეხი მის დამუშავებაზე უარს ამბობს, რადგან მან უკვე საკმაოთ გაუსინჯა კბილი საბჭოთა ხელი-სუფლებას: ფასები შემდეგ მონაპოლიური იქნება და ბამბაც ტყვილა უნდა ჩაუგდოს ხელში მთავრობას (აბა სხვას ვის მივიდის, როცა ეს აკრძალულია) და ისეთივე ამბავი მოუვა, როგორც აბრეშუმის საქმეში მოუვიდა.

თავიდანვე აბრეშუმის მონაპოვია ბოლშევიკების ხელში გლეხის ყოვლათ საშინელ გაყვლეფის ხასიათი მიიღო, რამაც ბევრ ადგილებში გლეხი ქალების მღელვარებაც კი გამოიწვია. ურიგებენ გლეხებს მეტად ძვირ ფასებში აბრეშუმის თესლს (თესლის მონაპოვია კოპერატივებს ეკუთვნის) და რამოდენიმე თვის მძიმე შრომის შედეგათ გლეხი ხედავს, რომ თესლი არ ვარგებულა და ჭია კვდება მანინ, როცა მან აბრეშუმის დახვევა უნდა დაიწყოს. ასე მოუვიდა შარშან თითქმის მთელ დასავლეთ საქართველოს; თუ ვინმეს კი გამოადგა, პარკის ფასი მეტად დაბალია (20 მან. ფუთი; უნდა ღირდეს კი ფულის კურსის მიხედვით—50 მან.) ისე, რომ მით გლეხი ვერაფერს იძენს. გლეხს უკვე დაფიცული აქვს, რომ შემდეგში არ წამოეგოს ბოლშევიკების ანკესს. ასე ეცემა აბრეშუმის საქმე საქართველოში. ასევეა მატყლის და თამბაქოს საქმეც. ღვინოზე კი, მართალია, მონაპოვია არ არის, მაგრამ ჩვენი «ქართული» ბოლშევიკური მთავრობა იმდენათ უსუსურია, რომ ექსპორტიც, ამ მნიშვნელოვან საგნის გასაღებაც კი ვერ შესძლო და იძულებულია ღვინო მეზობლებს გადასცეს გასასაღებლად. რუსეთში ჩვენი ღვინის სარდაფებს ყოველგან ასე აწერია: «ვინა გოსპოდვლოვ არმენი... რაც მთავარია, სომხის სახელმწიფო ფირმებში ძველი ვაჭრები—«სპეცები» მუშაობენ, რომლებიც ფასების შექმნის კარგი სპეცებიც არიან; ღვინის ფასი ძალზე მცირეა—4 მან. ფუთი საუკეთესო კახური ღვინო. ამით კი გლეხს ეკარგება ყოველგვარი სტიმული ამ კულტურის მოშენებესათვის—საქ. სტატ. ცენტრ. სამართველოს მასალებში კიდევ არის აღნიშნული, რომ ვენახის კულტურა არა თუ ომამდე არსებულთან შედარებით, წინა წლებთან შედარებითაც კი კლებულა.

დასავლეთ საქართველოში საკმაოდ გავრცელებული იყო ომამდე დაფნის კულტურა. დღეს ის მთელი 100 პრც. გადაშენდა, რადგან მისი ფოთოლი



ექსპორტის საგანს შეადგენდა და ახლა კი მისთვის ბაზარი არ არის.

სასოფლო მეურნეობის ძირითად ნაწარმოების — სიმინდის რაოდენობა საგრძობლათ დაკლებულია შედარებით ომამდე არსებულთან. მეურნეობის ამ «ადდენის» პროცესში მას წინსვლა არ ეტყობა; პიტიტით—1927 წელში, წინა წელთან შედარებით ნათესების რაოდენობამ იკლო. ფასებიც მცტად მცირეა — 1 მან.—1 მან 10 კაბ. ფუთი (ქ. ტფილისში). ომამდე კი 90 კ.—1 მან, ღირდა. ე. ი. დარჩა თითქმის იგივე ძველი ფასი იმ დროს როცა ფულის კურსის მიხედვით 2 ნან. მან. უნდა ღირდეს. სიმინდის ექსპორტს ამჟამად სრულებით არ აქვს ადგილი; ომამდე კი, ცნობილია, სიმინდი საქართველოდან ბლომით გაჰქონდათ.

საერთოდ ყველა ნათესების რაოდენობამ (საქ. ც. ს. ს. ცნობით) 1927 წელში, 1926 წელთან შედარებით იკლო ორი პროცენტით. როგორ უნდა აყვავდეს მევენახეობა, ან სხვა დარგები სასოფლო-მეურნეობისა, როდესაც მასზე უმნიშვნელო ფასებია, როდესაც მათთვის ბაზარი არ არის? ბოლშევიკების და არ. რუხაძის (ეკონომიის დიდი მცოდნე, აწ უკვე პროფესორი) ლამაზი თვალების ხათრით?

ქართველ გლეხს ამჟამათ გასაყიდი არაფერი აქვს ან თუ რაიმე ცოტაოდენი მოეპოვება, მისი საფასურით ის ვერაფერს ყიდულობს—დღეს ის თითქმის ტანთ-გამძვრალი დადის; მისი ბაზარი შეზღუდულია რუსეთის დამპალ-უეგარის და წარმოადგენს მხოლოდ ძვირ საქონლს. ამიტომ საესებით ბუნებრივია, რომ ოსმალეთის საზღვრებთან მოსასლე გლეხობა კონტრაბანდს მიმართავს. ერთ ხანს ამან მიიღო მასიური ხასიათი და ევროპის საქონელი ამ გზით შემოსული სერიოზულათ ემოქრებოდა რუსულ საქონელს; ამ უკანასკნელს დაცვა უნდა კონტრაბანდის კონკურენციისაგან და ბოლშევიკებმაც «დაკვრიით» წესით დაიწყეს ამის განხორციელება; საგანგებო კომისიასთან დაარსებულ იქნა სპეციალური კონტრაბანდასთან მებრძოლი განყოფილება (მის განკარგულებაშია სამხედრო ძალები—«ოსობი ოტდელი» თავისი სანაპირო რაზმებით) და შეუდგენ არა მარტო საექვო პირების, არამედ მთელი სოფლების აწიოკებას, ყოველთვიურათ ასობით ასახლებენ კონტრაბან-

დაში შემხნეულ გლეხობას. სანაპირო რაზმს და ჩეკის აგენტებს მიცემული აქვთ ინსტრუქცია—მოჰკლან ადგილზევე ყველა საზღვარზე გადამსვლელი და ისინიც ერთგულათ ასრულებენ—აკი დახელოვნებული არიან ამ საქმეში. და ხშირათ ღარიბი გლეხი, რომელიც უმეტეს შემთხვევაში არა გასაყიდათ ეზიდება საქონელს, არამედ თავისი შიშველი ოჯახის შესამოსათ, ხდება მსხვერპლი რუსული მრეწველობის დამცველ რაზმებისა. ამგვარი უმაგალითო რეპრესიებით ებრძვიან კონტრაბანდას—ააწიოკეს მთელი რაიონები, გადაასახლეს, მოკლეს-დახვრიტეს მრავალი... კონტრაბანდამ იკლო. და ბოლშევიკებიც სიამოვნებით აღნიშნავენ—ყველაფერი წესრიგზეაო.

რა ეწოდება ისეთ ქვეყანას, რომელსაც უცხო სამხედრო ძალა აიძულებს იყიდოს ამ უცხოელების საქონელი, თუ არა კოლონია? ამას კიდევ მტკიცება უნდა? მაგრამ კოლონიაც არის და კოლონიაც. შეიძლება ითქვას, რომ ქვეყანაზე არ არის მეორე კოლონია, რომელიც ისე მწვავედ განიცდიდეს ჩაგვრას, როგორც საქართველო. და ეს არა მარტო იმიტომ, რომ საბჭოთა კოლონიალური ბატონობა განსაკუთრებით ბარბაროსულია, არამედ იმიტომაც, რომ ამ შემთხვევაში ბარბაროსულ კოლონიალურ ბატონობის ობიექტია არა ველური ან ნახევრად ველური ხალხი, არამედ თანამედროვე ერი განვითარებული კულტურით, ეროვნული შეგნებით და თვით-მოქმედების უნარით, როგორიცაა ქართველი ერი. მეორე მხრით არ მოიპოვება მეორე სახელმწიფო რუსეთისაგან ეკონომიურათ და კულტურულათ ჩამორჩენილი, რომელიც სხვებს ეპოტინებოდეს—კოლონიებს ეძებდეს და ამ მიზნით ქვეყნებს იპყრობდეს.

ინდუსტრიალურ ქვეყნების კოლონიები უცხო ბატონობის უზომო ექსპლოატაციის საფასურათ იძენენ მაინც ეკონომიურ სფეროში პროგრესის მნიშვნელოვან ელემენტებს, რაც ხელს შეუწყობს მათ განვითარებას და განთავისუფლების შემდეგ საფუძვლად დაედება მათი ქვეყნის წინსვლას და ეკონომიურ აღორძინებას. რუსეთის ბატონობისაგან კი საქართველოს დარჩება მხოლოდ მწარე მოგონება განვლილ ტანჯვა-წამების და... მოშლილ-დანგრეული სახალხო მეურნეობა...

ედ. პ.—ვა.

ბრლანდიელებიხ ბმძოლა თავიხუფლებიხათვის.

IV.

1918 წლის დეკემბერში ინგლისის საერთო არჩევნების დროს ირლანდიიდან 80 დეპუტატი იქნა არჩეული; მათ შორის 73 უკიდურესი ნაციონალისტები—შინფენები იყვნენ. შინფენების პარტიამ მიიღო გადაწყვეტილება, ინგლისის პარლამენტში თავისი წარმომადგენლები არ გაეგზავნა და ნაციონალური კრება თვით ირლანდიაში მოეწვია. ამ გადაწყვეტილების თანახმად ირლანდიელი დეპუტატები შეიკრიბენ 1919 წლის 21 იანვარს ირლანდიის სატახტო ქალაქში—დუბლინში და თავიანთ თავი ნაციონალურ კრებად გამოაცხადეს. კრებამ გააკეთა დეკ-

ლარაცია ირლანდიის დამოუკიდებლობის შესახებ, შეიმუშავა დროებითი კონსტიტუცია და აირჩია ხუთი წევრიდგან შემდგარი მთავრობა.

ირლანდიის რევოლუციონური და რესპუბლიკანური მთავრობა უპირდაპირდება ინგლისელების ხელისუფლებას ირლანდიაში და თვითონ იწყებს ქვეყნის მართვა-გამგეობას. ის ქმნის ყოველგვარ ნაციონალურ დაწესებულებებს, რომლითაც უნდა შეცვლილიყო უკვე არსებული ინგლისური დაწესებულებანი. ახალი მთავრობა დიდ ყურადღებას აქცევს ქვეყნის ეკონომიურ მდგომარეობას; ახტენს ანკეტებს



ნაციონალურ სიმდიდრის შესახებ; ცდილობს წინააღმდეგობას მრეწველობის საქმე და გაიჩინოს საკუთარი კომერციული ფლოტი; ებრძვის ემიგრაციას და ლობობას; აგვარებს იმპორტის და ექსპორტის საკითხებს; უშვებს ერთ სესხს ირლანდიაში, მეორეს კი ამერიკაში; აარსებს ადგილობრივად ნაციონალურ სასამართლოებს და ადმინისტრაციას. ხალხი ესლა ამ ახალ სასამართლოებში მიდის, ძველი ოფიციალური სასამართლოები სრულიად ცარიელი არის. თვით ინგლისელებიც კი ხშირად ამ ახალ და არაღვთაურად, მაგრამ მიუდგომელ და პატიოსან სასამართლოებს მიმართავენ. ინგლისის მთავრობა პირველ ხანებში ითმენს ასეთ მდგომარეობას, შემდეგ კი რეპრესიებს მიმართავს და იწყებს მოხალისე ირლანდიელ მოსამართლეების, თუ პოლიციელების დევნას. ლონდონის და დუბლინის მთავრობათა შორის კონფლიქტი თანდათან იზრდება და ღრმავდება.

შინაურ მუშაობასთან ერთად და პარალელურად ირლანდიის რევოლუციური მთავრობა დიდ დიპლომატიურ მუშაობას აწარმოებს გარეთ. ის მიმართავს ყველა ქვეყნებს ირლანდიის დამოუკიდებლობის საცნობათ. 1919 წელს აგზავნის თავის წარმომადგენლებს პარიზის საზავო კონფერენციაზე და თხოვლობს, რომ მისი წარმომადგენლები მოსმენილ იქნენ კონფერენციის მიერ. ამერიკაში ათ მილიონზე მეტი ირლანდიელი ცხოვრობს და იქ ირლანდიელებისადმი თანაგრძნობა დიდია. ვაშინგტონის სენატის და წარმომადგენელთა პალატის დადგენილების თანახმად ამერიკის საზავო დელეგაცია პარიზის კონფერენციაზე ირლანდიას დიდად უჭერდა მხარს და ექსპრესირებდა მას. მაგრამ აქედან დიდი არაფერი გამოვიდა. ინგლისის საერთაშორისო გავლენა და წონა მეტად დიდი იყო, რომ ის დიპლომატიურ ფორტზე ირლანდიას დაეძლია.

ირლანდიას დაეკარგა გარეშე დანებების ყოველივე იმედი და საერთო სიჩუმეში პირისპირ დაჩინილი ირლანდია და ინგლისი ერთი მეორესთან საბრძოლველად ემზადებოდა. 1919 წლის სექტემბერში ინგლისის მთავრობამ გარეკა ირლანდიის ნაციონალური კრება დუბლინში და აღკრძალა ყველა ლეგალური პოლიტიკური ორგანიზაციები მთელ ირლანდიაში. ირლანდიელებმა ბრძოლა ესლა კონსპირატიულ ნიადაგზე გადაიტანეს. ინგლისი ცდილობს თავის ავტორიტეტი და ძალაუფლება აღადგინოს და განამტკიცოს ირლანდიაში, შინფენები კი ყოველივე ზომებს იღებენ, რომ ეს ძალაუფლება გაანადგურონ და ინგლისი ირლანდიიდან გააძევიონ.

მხოლოდ ათი თვის განმავლობაში, 1919 წელს ინგლისელებმა 22,000 ბინა გაჩხრიკეს ირლანდიაში, 2,500 პოლიტიკური მოღვაწე დაიჭირეს, მათ შორის ოც კაცამდე მოკლეს და ბევრი გადაასახლეს. კრებების თუ გახეთების აღკრძალვის 400 შემთხვევას ქონდა ადგილი. 1919 წელი დიდად წაავგდა 1798 წელს, როცა ინგლისის პირველ მინისტრმა—პიტმა პროვოკაცია მოაწყო ირლანდიაში, რასაც შედეგად ირლანდიის პარლამენტის გარეკა მოყვა.

ინგლისელების რეპრესიებს ირლანდიელებმა პარტიზანული ბრძოლით უპასუხეს. პატარა მგრინავ რაზმებით, რომლებიც იმალებოდნენ ქალაქებში თუ სოფლებში, ირლანდიელები მოულოდნელად თავს ესხმოდნენ ინგლისელების პოსტებს. უცბათ ჩნდებოდნენ იქ, სადაც მათ არკვინ არ ელოდა და ყოველგან შიშის ზარს სცემდნენ. იარაღს ხშირად ამ რაზმებს საჭირო დროს ფარულად კაბების ქვეშ ქალები აწოდებდნენ. არა მრავალ-რიცხოვანი ირლანდიელი რესპუბლიკანური ჯარი, რომელსაც კოლინსი და ბრუგა ხელმძღვანელობდნენ, დანაწილებული იყო პროვინციებში 50-100 კაცისაგან შემდგარ რაზმებად. თვითვე ამ რაზმის შესაცვლელად ყოველგან არსებობდა მეორე და მესამე რაზმი. თუ ერთი რომელიმე რაზმი ჩავარდებოდა, მას მაშინვე მეორე რაზმი შეცვლიდა და ასე შემდეგ. როცა ირლანდიელებს იარაღი შემოაკლდებოდათ, ისინი თავს ესხმოდნენ ინგლისელების პოლიციის პოსტებს, ყაზარმებს, მათი ჯარის პატარა რეველიარულ ნაწილებს, იარაღით დატვირთულ მატარებლებს და იარაღს ამ გზით იძენდნენ. ირლანდიელები ხშირად სწვავდნენ ინგლისელების ოფიციალურ დაწესებულებებს, მათ სასამართლოებს, ბიუროებს, აფუქებდნენ ტელეგრაფის და ტელეფონის ხაზებს, აფეთქებდნენ ხიდებს, სამხედრო მატარებლებს, თავს ესხმოდნენ ფოსტას და მიქანდათ ინგლისელების ფარული მიწერ-მოწერა, იტაცებდნენ ინგლისელ სამხედრო პირებს—გენერლებს, ოფიცრებს, მოსამართლეებს, მსხვილ მიწათმფლობელთ. განსაკუთრებული სიმკაცრით ეპყრობოდნენ ირლანდიელები მოღალატეებს და გამცემლებს თავიანთ წრიდან. მათ დაუზოგველად კლავდნენ და ხშირად მათ გვამზე მიკრულ ქალაღზე შემდეგ წარწერას სტოვებდნენ: «გასამართლებულ იქნა, მიესაჯა, სისრულეში მოყვანილ იქნა. გამცემლებო, ფრთხილად იყავით! ირლანდიის რესპუბლიკანური მხედრობა».

განსაკუთრებული უფლებებით აღჭურვილმა ინგლისის მთავრობამ 1920 წელს ირლანდიაში სამხედრო წესები შემოიღო. მთავრობას უფლება ქონდა უბრალო იუვის გამო დაეჭირა ხალხი, დაემწყვდია ის ციხეებში, ან გადაესახლებია. ხშირად მთელ ამა თუ იმ უბანს შემოარტყამდნენ ალყას და ყოველივე მოძრაობა შეწყდებოდა. ჩხრეკდნენ კერძო ბინებს. რა დროსაც უნდოდათ, იუერდნენ, ჩხრეკდნენ და დაკითხავდნენ ქუჩებში გამველ-გამომველებს, მატარებლებით, ან ტრამვაით მოგზაურთ, თეატრებში, კინოებში, თუ ეკლესიებში მყოფთ. ყოველგვარი მიწერ-მოწერა, ყურნალ-განეთობა უსასტიკეს ცენზურას განიცდიდა. ინგლისის მთავრობის ასეთ ზომებმა შემდეგ კიდევ უფრო მახინჯი ფორმები მიიღო. ირლანდიაში ინგლისელების სამსახურში მყოფ ირლანდიელებმა უარი სთქვეს თავიანთ ძმების წინააღმდეგ ბრძოლაზე. მაშინ ინგლისმა გაგზავნა ირლანდიაში სამხედრო ნიწილები, რომელნიც უმთავრესათ უმუშევრებისა და დემობილიზირებული ჯარის კაცებისაგან შესდგებოდა. დროს უქონლობის გამო ეს ნაწილები სათანადოდ ვერ იქნა გავრთვნილი და მათში არ არსებობდა არავითარი დის-



ციპლინა. ისინი შეესიენ ირლანდიას, როგორც დამსჯელი ექსპედიცია. წარმოდგენილი სისასტიკით მოქმედებდა ინგლისის ხელისუფლება. დაჭერილებს არა თუ სცემდნენ და უდიერათ ეპყრობოდნენ, არამედ მათ ხშირათ წყალში ყრიდნენ. ქალებს სჭრიდნენ თმებს და შეურაცყოფას აყენებდნენ. გააშიშვლებდნენ ტყვეებს, მიწაზე წაქცეულთ სთელავდნენ ფეხით, ამღერებდნენ «ღმერთო ისენ მეფეო», გააქცევდნენ და მერმედ ესროდნენ. ოფიცრებს აღარ ქონდათ გავლენა ჯარისკაცებზედა. ინგლისის ჯარის ნაწილები უდიდეს დემორალიზაციამ შეიპყრო. მთავალი ინგლისელები რევოლუვრებით ხელში შედიოდნენ კერძო ბინებში, მალახიებში და იტაცებდნენ ფულს, თუ ძვირფას ნივთეულობას. ადამიანის გახსრეკა გადაიქცა უბრალო მიხეხათ, რომ მისთვის რამე გამოეტაცნათ და წაგელიჯათ. უდიდესი ფირმები გაცარცვეს, დასწვეს და გააოტრეს. პირზე მასკებ აფარებული შედიოდნენ ღამით ბინებში და კლავდნენ ლოგინში მყოფიარეთ, ან დაჭერილებს ხოცავდნენ გზაში ვითომ იმ მიხეხით, რომ გაქცევა მოინდომესო. ირლანდია გადაიქცა გალოთებულ ინგლისელ პოლიციელთა და ჯარისკაცთა სათარეშოთ.

1920 წლიდან დაწყებული 1921 წლის ნახევრამდე ირლანდიაში მუდმივ შეტაკებებს ქონდა ადგილი ინგლისელებს და ირლანდიელებს შორის. თვითეული მხარე ცდილობდა მეორე მხარესათვის სისასტიკეში ეჯობნა და გაღაემეტებია. ინგლისელების რეპრესიებს ირლანდიელები რეპრესიებითვე უპასუხებდნენ. როცა ინგლისელები იტაცებდნენ და ჰკლავდნენ ირლანდიელებს, ან სწვავდნენ მათ სახლებს, ირლანდიელებიც მაშინვე ზომებს იღებენ ინგლისელებზე თავზე დასასხმელათ, მათ მოსაკლავათ და მათი მომხრეების სახლების დასაწვავათ. როგორც ყოველივე ტერორისტულ რეჟიმის დროს, ხშირათ აქაც სულ უდანაშაულო პირები ისჯებოდნენ. ყოველგან ბომბა და რევოლვერი ბატონობდა და არაჟინ იყო თავის სიოცხლის და ქონების ბატონ-პატრონი. საღამოს დაწოლისას ყველა იმაზე ფიქრობდა, რომ შეიძლება იმ ღამესვე მისი ბინა გაენადგურებიათ, თვითონ ის კი დაეჭირათ, ან მოეკლათ. ინგლისელების სიმკაცრემ ირლანდიელებით გაამკაცრა და მათში ინგლისელებისადმი უდიდესი სიძულვილი დაბადა. ძალი და ინგლისელი ირლანდიელისათვის სინონიმი იყო. ინგლისელების რეჟიმმა მთელი ირლანდია შინფენების ბანაკში მიდენა.

პირველ ხანებში ინგლისის მთავრობა უარპყოფდა ყოველივე იმ სიმხეცეს და უწესრიგობას, რასაც მისი აგენტები ირლანდიაში ჩადიოდნენ. ლოიდ ჯორჯი, რომელიც იმ დროს მთავრობის თავმჯდომარე იყო, საესებით იცავდა და ამართლებდა თავის აგენტებს. მაგრამ ინგლისის საზოგადოება თანდათან ეცნობოდა საქმის ნამდვილ ვითარებას ირლანდიაში. მიუხედავათ იმისა, რომ ინგლისის საზოგადოებრივი აზრის აღლვება არ არის ადვილი და ის მეტათ ნელათ მოძრაობს, ირლანდიაში მომხდარ ამბებმა მაინც გამოიწვია დიდი გამოახილი მთელ ინგლის-

ში. ყველა კლასებში, ყველა პარტიებში, უკიდურეს მემარჯვენათა გარდა, ყველა განუთებში— «ტაიმიდან» დაწყებული «დეილი ჰერალდამდე», პარლამენტში, თუ სხვა საჯარო კრებებზე გაისმა საპროტესტო ხმა ირლანდიაში ინგლისის მთავრობის პოლიტიკის წინააღმდეგ, ყველა ტერორის შეწყვეტას და გამოძიების დანიშვნას მოითხოვდა. მუშათა პარტიამ ჰენდერსონის თავმჯდომარეობით გაგზავნა ირლანდიაში სპეციალური კომისია, რომლის მოხსენებამ შემდეგ დიდი შთაბეჭდილება მოახდინა ინგლისში. ლორდ სესილთან, ლორდ გრენისთან და ასკვიტთან ერთათ მთავრობის პოლიტიკის წინააღმდეგ პროტესტი განაცხადა აგრეთვე მთელმა სამღვდლოებამ კენტერბერის არქი-ეპისკოპოსის პირით. ინგლისში მთავრობა ყოველთვის უწევდა მეტ ანგარიშს საზოგადოებრივ აზრს, ვიდრე ეს ევროპის სხვა ქვეყნებში ხდებდა. ესლაც ის იძულებული გახდა საერთო პროტესტის წინაშე ქედი მოეხარა და ირლანდიელებისათვის დროებითი ზავის ჩამოსაღდებათ მიემართათ. ამის რამოდენიმე კვირის წინათ კი მთავრობის თავმჯდომარე ლოიდ ჯორჯი გაიძახოდა, რომ ირლანდიელების წინააღმდეგ ძალის ხმარებაზე უარის თქმა იქნებოდა კაპიტულიაცია მათი დანაშაულის და სეპარატიზმის წინაშეო. ირლანდიას ჩვენ ვერ მოვუტიგდებით, მასთან შეუძლებელია ზავი, სანამ ის ჩვენთან ბრძოლას თავს არ გაანებებს და ქედს არ მოიხრისო. ყველაფერი ეს კი იყო ლოიდ ჯორჯის უარო მუქარა.

ინგლისის ირლანდიაში 60.000 კაცზე მეტი ჯარი ყავდა, მაგრამ, მიუხედავათ ამისა, მან იქ წესრიგი და კანონიერება ვერ დაამყარა. ინგლისელებმა ვერ «ასწავლეს ჭკუა» ირლანდიელებს და ასე ადვილათ ისინი ვერ ჩააჩუმეს. ორივე მებრძოლი მხარე ერთი-მეორის წინააღმდეგ იყო დარაზმული და რომელიმე მათგანის დამარცხებაზე ლაპარაკი ძნელი იყო. მაგრამ მოლილობა და მოქანცვა ორივე მხარეს ეტყობოდა. დაბოლოს, 1921 წლის ივნისში ინგლისის მთავრობა აღიარებს სამხედრო მოქმედების და რეპრესიების გზით ირლანდიაში წესრიგის აღდგენის შეუძლებლობას. ფიზიკურათ ირლანდიელებმა ვერ გაიმარჯვეს, მაგრამ მათ ის კი ქნეს, რომ მარტოთ, სხვების დაუხმარებლათ, სასტიკი წინააღმდეგობა გაუწიეს და გაუმკლავდნენ უდიდეს, უძლიერეს და ომიოგან გამარჯვებულათ გამოსულ ინგლისს. ეს უკვე დიდი რამე იყო. მაგრამ, როცა ინგლისის მთავრობამ 1921 წლის ივლისში აჯანყებულ ირლანდიას დროებითი ზავის ჩამოსაღდებათ მიმართა, ეს ირლანდიელების უდიდესი მორალური გამარჯვება იყო.

(დასასრული იქნება)

გ. გვარჯალაძე.

შეცდომის გასწორება: მეორე წერილი— «დამ. საქ.» № 28, გვ. 6, 34 სტრიქონი ზემოდგან, უნდა იყოს: ისინი ემბროდენ სამღვდლოების გადამეტებულ გავლენას ხალხზე და სხ.



თ უ რ ქ ე თ ი.

ჩვენი მეზობელი თურქეთის სახელმწიფო არის მუსულმანური ქვეყანა. პირველათ მუსულმანობა გაჩნდა არაბეთში და იქიდან თანდათან ცეცხლითა და მახვილით გავრცელდა მრავალ ხალხში. მათ შორის თურანის ვაკეზე მოზინადრე თურქის ხალხმა მიიღო ეს სარწმუნოება და ოსმანთა დინასტიის ხელმძღვანელობით დაიძრა თავის ადგილიდან, დაიპყრო მთელი ჩრდილო სპარსეთი, არაბეთი, შემდეგ ბიზანტია და საბოლოოთ დამკვიდრდა ბოსფორის ნაპირებზე, გაავრცელა რა თავისი ბრძანება წინა აზიაში და ევროპის და აფრიკის მოზრდილ ნაწილებში. ამ პერიოდში თურქეთი წარმოადგენს თეოკრატიულ სახელმწიფოს, რომელსაც განაგებს განუსაზღვრელი ხელისუფლებით აღჭურვილი სულთანი, ანუ პადიშაჰი, რომელმაც არაბების დაპყრობის შემდეგ უმაღლესი სარწმუნოებრივი ტიტულიც მიიღო და გახდა მთელ მუსულმანთა ხალიფი.

ხალიფს უნდა ემორჩილებოდენ ყოველი მუსულმანი, თუნდ არ იყო თურქეთის ფარგლებში მცხოვრები. აგრეთვე ის სარგებლობს ხალიფის მფარველობით და ამ შემთხვევაში, თეოკრატიული მინც. მუსულმანთა უმაღლესი პიროვნება არ არჩევდა ერთმანეთისაგან თურქს, ალბანელს, ჩეჩქებს, ქართველს თუ სხვას. ამიტომაც ძველ ოსმალეთში ეროვნული ბრძოლა სუსტი იყო, თითქმის უჩინარი. ამავე შეხედულების ნიადაგზე აღმოცენდა ეგრედ წოდებული პანისლამიზმი, რომელიც ცდილობდა სარწმუნოების საფუძველზე დაყრდნობით ყველა მუსულმანობის თავის მოყრას, რადგან ხალიფის სახელმწიფოს საფუძველი სარწმუნება იყო და სამართალი ემყარებოდა ყორანს და მისგან გამომდინარე ადათებს «შარიატის» სახელით, ამიტომ შეუძლებელი იყო ამ კანების მიხედვით სახელმწიფოს ტერიტორიაზე მცხოვრებ მრავალ არა მუსულმანთა და უცხოელთა ბევრ დარგში ცხოვრების მოწესრიგება, მაგალითად ოჯახურ ურთიერთობაში. ამიტომ აუცილებელი საჭიროება შეიქმნა არამუსულმანებისათვის ცალ-ცალკე სარწმუნოებრივ საზოგადოებათ შეკავშირება და ამ საზოგადოებათა წარმომადგენლებისათვის განსაზღვრულ კანონმდებლობითი ხელისუფლების მინიჭება. ამავე მოვლენის გამო ევროპიულ სახელმწიფოთა წარმომადგენელთ მიენიჭათ უფლება თავის ქვეშევრდომთა ცხოვრების მოწესრიგებისა და აქ დაედვა საფუძველი ევროპიელთა უპირატესობას, რომელსაც ეწოდებოდა «კაპიტულიაციები». დროთა მიმდინარეობაში რამდენათ ძველი თურქეთი სუსტდებოდა, იმდენათ ეს უფლებები ფართოვდებოდა. თურქთა შეტევითი მოძრაობა სხვა ხალხთა წინააღმდეგ მრავალ საუკუნეთა განმავლობაში წარმოადგენდა ძლიერად მოსილ წინსვლას. მაგრამ 1683 წელს ვენის კარებთან ისინი დამარცხებული იქნენ ივანე სობესკის მიერ. ამ დღიდან იწყება თურქეთის დასუსტება, ის ნელ-ნელა იკუმშება ტერიტორიალურათ, სუსტდება შიგნითაც, განსაკუთრებით მეცხრამეტე საუკუნის განმავლობაში თურქეთი სტოვებს სულ აფრიკას, ევროპაშიაც ზედიზედ თავისუფლდებიან საბერძნეთი, სერბია, რუმინია, ბულგარია. დანარჩენ ტერიტორიაზეც დამონებულ ერებში, მუსულმანებშიც კი იღვიძებს ეროვნული მოძრაობა. თურქის პატრიოტებისთვის ცხადი შეიქნა ძველი აბსოლუტურ-თეოკრატიულ რეჟიმის შენახვის შეუძლებლობა. პირველი ცდა ამ რეჟიმის შენეღუდისათვის და კონსტიტუციის შემოსაღებათ მითხად ფაშის ხელმძღვანელობით 1876 წელში სრული დამარცხებით დასრულდა. მაგრამ ბრძოლა რეჟიმის შეცვლისათვის არ გამქრალა. და აი 1908 წელს მოწინავე აზრებით გატაცებული და მასონური ორგანიზაციების წყალობით საიდუმლოთ შეკავშირებული მცირედი ჯგუფი იარალით ხელში ამარცხებს წითელ სულტანს აბდულ ჰამიდს, შემოაქვს ლიბერალური კონსტიტუცია პარლამენტით და პასუხისმგებელ სამინისტროთი და სხვადასხვა თავისუფლებით. ეს იყო «კავშირის და წინსვლის», ე. ი. უნიონისტების პარტიის გამოსვლა. პირველ ხანებში ამ მოძრაობამ გამოიწვია საერთო აღტაცება როგორც შარეთ, ისე შიგნით. ყველა დამონებულნი და შეწუხებულნი აღფრთოვანებით მიეგებნენ მას. ქრისტიანებმა შვებით ამოისუნთქეს და ლოიალურ თანამშრომლობის იმედი დაესახათ, მუსულმანებსაც გამოღვიძება დაეტყუათ, ისეთი დღემდე მიჩქმალული ხალხებიც კი, როგორც არიან ჩეჩქეები და ქართველები, იკრიბებიან და კლუბებს აარსებენ. მაგრამ მალე ეს გადაჭარბებული ილუზიები გაიფანტა. ალბანეთში დაიწყო მძლავრი აჯანყება. წინა პერიოდის სარწმუნოების ბურუსში გახვეული თურქი ეროვნულათ ერკვევა და დამონებულთა მიერ უფლებების მოპოების სურვილს უყურებს როგორც იერიშს თავის ეროვნულ ბატონობის წინააღმდეგ. პანისლამიზმის იდეა არ ქრება, მაგრამ საგრძობლათ ნელდება და ხელმძღვანელობას კარგავს; მის ადგილს იჭერს მეორე იდეა, უფრო ცხოველყოფილი და რომელიც ვინ იცის, კიდევ რა ნაყოფს მოიტანს. ესაა იდეა პანთურქიზმისა, თურქების აღორძინების და მათი შეკავშირებისა თურქეთის ირგვლივ. მართლაც თურქების უმრავლესობა თურქეთის გარეშე ცხოვრობს. კავკასიის აზერბეიჯანი ბაქოთი, სპარსეთის აზერბეიჯანი თავრიზით, მთელი თურანი თურქთა პირველი სამშობლო, ყაზანი, აშტრახანი, ყირიმი აი სადაა კიდევ თურქების ნათესაობა და აი საითკენ იხედებიან ეროვნულ აღორძინების გზაზე დამდგარი თურქები. მოძრაობისათვის მეტად დამახასიათებელია აღენიშნოთ, რომ პანთურქიზმის პირველი თეორეტიკოსი ყაზანელი «თათარი» უნიონისტების საკონტიტუციო რეჟიმმა მრავალი წინააღმდეგობა სძლია და მრავალს კიდევ ებრძოდა, როდესაც ევროპის ომი გაჩაღდა. პირველათ თურქები განზე გადადგნ და თითქო არ ფიქრობდენ ომში ჩირვას. მაგრამ მალე მიეცედლენ გარმანის კოალიციას. ბევრს ეს ნაბიჯი შეცდომათ მიაჩნია. ეს მეტად რთული საკითხია და მისი აქ გარკვევა არ შეგვიძლია.

დამარცხდა გერმანიის კოალიცია დიდ ომში.

დამარცხდა თურქეთი. და აი ამ დროს შეიქმნა სწორედ კატასტროფიული მდგომარეობა თურქის ხალხისათვის. უნიონისტები გაიქცნენ. სულთანი თითქმის შეურთდა მდგომარეობას და თავისი ბედი გამოარჯვებულთ ჩააბარა იმ იმედით, რომ ცოტა რამ თავის უფლებას მაინც შეენარჩუნებია. ამ უმაღლეს განსაცდელის დროს რამდენიმე თავზე ხელაღებული პატრიოტი ანატოლიაში გავარდა, დაგმო სულთანის პოლიტიკა, ჩაუდგა სათავეში ხალხს, აღადგინა ჯარი, შექმნა ეროვნული ყრილობა, სასტიკათ დაამარცხა მტერი და ჩაუყარა მკვიდრი საფუძველი ეროვნულ მთავრობას. ამ მოძრაობის მეთაურობა უმჯობეს ვეუთენის მუსტაფა ქემალს. ამიტომაც მას შეგვიძლია ვუწოდოთ ქემალიზმი. ეს რთული სახელმწიფოებრივი აღმშენებლობა დღეს საყვარელი ჩამოყალიბებულია ბიუროკრატიულ დიქტატურის სახით მილიტარისტულ ძალთა ჰარბობით.

გაუქმებულ იქნა კაპიტულაციები და ამით საბოლოოდ მოისპო ევროპელების თარეში ქვეყანაში და თურქეთმა დაიპირა სათანადო ადგილი სხვა სახელმწიფოთა შორის თანასწორობის ნიადაგზე. ანატოლია იქმნა გაწმენდილი ქრისტიანებისაგან და მათი მცირედი რიცხვი შერჩა მხოლოდ კონსტანტინოპოლში. მოსპობილ იქმნა სულთნობა და ხალიფობაც და ამით სახელმწიფოს მოშორდა სარწმუნოებრივი ხასიათი. ქალი გაუთანასწორდა უფლებით კაცს და აღკრძალულ იქმნა მრავალცოლიანობა. სარწმუნოება ჩამოშორებულ იქმნა სახელმწიფოსაგან, აღკრძალულ იქმნა ფესკის ტარება, შემოდებულ იქმნა იურიდიულ შემოქმედების უკანასკნელი ნაყოფი შვეიცარული კოდექსი. სატახტო ქალაქი ძნელათ დასაცველ და ათასგვარ ხალხით დასახლებულ სტამბოლიდან გადატანილ იქმნა ქვეყნის შუა გულში—ანგორაში. გაიხსნა მრავალი სკოლა, ქალებს აეკრძალათ პირბადის ტარება და ისინი უკვე საქმიანობენ საზოგადოებრივ ცხოვრების მრავალ დარგში. მოხდა გადასახადების სისტემის შეცვლა ევროპიულ სისტემის მიხედვით. დღის წესრიგშია მეტად ძნელ საწერ და ხმოვან ასოებს მოკლებულ ქარაგმიან არაბულ ანბანის გამოცვლა და მის ადგილზე ევროპიულ ანბანის შემოღება, რაც წარმოუდგენლათ გააადვილებს თურქულ წერა-კითხვის გავრცელებას.

ამგვარათ დღევანდელი თურქეთი მკვიდრ ნიადაგზეა დამყარებული. შიგნით წყობილება არის მტკიცე, თითქმის მთელ ხელმძღვანელ ჯგუფს აქვს მიღებული სამხედრო აღზდა და ამიტომაც ადვილათ შეაქვს ცხოვრებაში მის წოდების დისციპლი-

ნა. ქვეყანა მრეწველობის განვითარების მხრივ პრიმიტიულ მდგომარეობაშია და ჯერ საგრძობელი არ არის კლასთა დიფერენციაცია და მათ ინტერესთა წინააღმდეგობა. ამიტომ აქ ხედმეცია პარტიებზე დაპარაკი ევროპიულ თვალსაზრისით. დღეს მართლად «პარტია» და ბიუროკრატია თითქმის ერთმანეთს ფარავენ.

უმცირესობათა საკითხი, რომელიც ძველ თურქეთისთვის მუდმივ საშიშროებას წარმოადგენდა, დღეს საგრძობლათ განელებულია. ქრისტიანები ფიზიკურათ ისე შემცირდნენ და ისე მცირედ კუნძულში არიან მიჩნეული, რომ გარინდულნი არიან და არც ძალა შესწევთ თავი ზევით ასწიონ. მუსულმანთა შორის საგრძობელ ძალას წარმოადგენენ მთებში შეხიზნული ქურთები თავისი საშუალო საუკუნოებრივი ფეოდალური წყობილებით და შეიხებით. მაგრამ ეს მეტად ჩამორჩენილი ხალხი უღონოა გაუმკლავდეს მთავრობას. აქ უნდა აღვნიშნოთ ერთი გარემოება. ქრისტიანობა რომ ვრცელდებოდა, ახალ ხალხში შესვლის დროს, ემყარებოდა ამ ხალხის წინანდელ კულტურაზე და ამის გამო მრავალი ხალხი თავის ეროვნულ აღორძინების ხანას ქრისტიანობით იწყებს. მუსულმანობა პირიქით იწვევდა დენაციონალიზაციას. ცდილობდა მის წინანდელ კულტურის წაშლას, ამიტომაც ყველა ხალხები, რომელთაც მუსულმანობა მიიღეს და კულტურით ამ დროს არაბებზე მაღლა იდგენ, საგრძობლათ ჩამოქვეითდნენ. მაგრამ დიდმა ხალხებმა ამ პროცესს გაუძლეს. ასეთია, მაგ., სპარსეთი. ხოლო მრავალი ხალხი ეროვნულ საფუძველ შერყეული გავლურდა და სხვა ხალხთა ჩასანთქველ მასალათ გადაიქცა. მართალია, ამ ხალხებმა დღემდე შეინარჩუნეს მათი ენა, როგორც სალაპარაკო საშუალება, მაგრამ მოსალოდნელია, მალე ეს ლაპარაკიც დაევიწყდეთ, რადგან დღეს დიდი პროპაგანდაა ამ ლაპარაკის წინააღმდეგაც. ხშირია განცხადება «მოქალაქეო, ილაპარაკეთ თურქული, საჯარო ადგილებში არა თურქულათ ლაპარაკი დაგმობილია».

გადაჭარბებული ნაციონალიზმი ეკონომიურ სფეროში ევროპის კაპიტალს აშინებს და გადასახადების სიმძიმეც ხალხს ცოტა არ იყოს გასაჭირში ადევნებს. თურქეთმა ერთ დროს საკმაოდ ისარგებლა ბოლშევიკების დახმარებით და მათთან დღესაც მემეგობრული განწყობილება აქვს, მაგრამ ბოლშევიკების რაიმე გავლენაზე შიგნით ხედმეცია ლაპარაკი. აგრეთვე შეუძლებელია თურქეთი გაჰყვეს ბოლშევიკებს რაიმე ავანტიურაზე...

მ.

კომუნისტური სპეკულიაცია.

საბჭოთა კავშირის ვაჭრობის მონაპოლიამ ამკარა ყაჩაღური ხასიათი მიიღო; იგი გადაიქცა მცხოვრებთა გაძარცვის უებარ იარაღათ, წარმოუდგენელ სპეკულიაციათ, რომლის მზგავსი მაგალითი არც ერთა ქვეყნის ისტორიაში არ მოიხებნება. ამას ნათლათ გვიჩვენებს ერთი პატარა მაგალითი.

ჩვენ შემთხვევით ჩაგვივარდა ხელში ბათუმის ეგ-

რედ წოდებულ «რესპუბლიკანურ კომისიის» ოქმებიდან ამონაწერი, რომელიც დამოწმებულია სათანადო ხელისმოწერით და ბეჭდის დასმით. ამ ამონაწერში ვნახულობთ ერთ საგაჭრო ოპერაციის მეტად დამახასიათებელ ციფრებს.

როგორც ვიცით, უცხოეთიდან საბჭოთა კავშირში რაიმე საქონლის შეტანა კომუნისტური ხელის-



უფლებების და მისი სავაჭრო ორგანიზაციების მონაპოვლიას შეადგენს, მაგრამ ზოგჯერ, როგორც იშვიათი გამონაკლისი, რომელიმე კერძო პირიც (თავისთავით იგულისხმება, რომ ეგ პირი უცხოელი იქნება) ახერხებს საბჭოთა კავშირში საქონლის შეტანის ნებართვის მიღებას. ყველამ კარგად იცის, რომ ასეთ ნებართვას აშკარა ქრთამის ხასიათი აქვს და, მაშასადამე, მას ღებულობს არა ვაჭარი, არამედ რომელიმე თავის ქვეყანაში გავლენიანი პირი (ქურნალი-სტი ან ცნობილი პოლიტიკური მოღვაწე), რომელმაც რაიმე სამსახური გაუწია კომუნისტებს. ადვილი მისახვედრია, რომ ასეთი პირი ნებართვას თავის სახელზე არ იღებს; მას ყავს ვინმე აგენტი და ნებართვაც ამ უკანასკნელის სახელზე იწერება. ეგ ნებართვა გამოდის ბაზარზე, სადაც იგი ძალიან ძვირით ფასობს. მას იძენს ვაჭარი და მისი საშვალებით შეაქვს საქონელი საბჭოთა კავშირში.

ერთი ასეთი ნებართვა შეიძინა სტამბოლის ბაზარზე 40.000 თურქულ ლირათ ვაჭრების ერთმა ჯგუფმა ვინმე ისპანელ ებრაელის მეთაურობით. ამ ნებართვით შეიძლებოდა ბათუმში შეტანა და გასაღება თავისუფალ ბაზარზე 64 ათას თურქულ ლირათ ღირებულ საქონლის. ვაჭრებმა შეიძინეს ამ ღირებულების საქონელი—წინდები ქალის, კაცის და ბავშვების, ძაფი და სამართებლები; შეამოწმებინეს ფაქტურები ამიერკავკასიის სახელმწიფო ვაჭრობის საბჭოთაოლის წარმომადგენლობას და გამგზავრეს საქონელი ბათუმისაკენ. ვაჭრები სრულიად დარწმუნებული იყვნენ, რომ საქონელს ბაჟის გადახდის შემდეგ თავისუფლათ შეიტანდნ საქართველოში და დიდის მოგებით გაანადღებდნ მას. მაგრამ ბოლშევიკები ხომ ბოლშევიკებს არ ეგვანებოდენ, რომ თავიანთ ბუნებისათვის ელაღატნათ და გაცემული ვექსილი პირნათლათ გაენადღებიათ? ბათუმში ვაჭრებს გამოუცხადეს, რომ მათ საქონლის თავისუფალ ბაზარზე გაყიდვის ნებას არ მისცემენ, თუ თანახმა არ გახდებიან, «გოსტორგს» გადაუთვალონ მოგების ნახევარი. ვაჭრები ბევრს ეცადენ თავიდან აეცილებიათ ეგ წყრომა, მაგრამ ვერას გახდენ და იძულებული შეიქნენ, მიეღოთ წაყენებული პირობები. ამის შემდეგ ვაჭრებმა შეიტანეს საბაჟო გადასახადი 30.314 მანეთი და 96 კ. და დაიწყეს საქონლის გაყიდვა. ნავაჭრი ფული, სანამ რეალიზაცია დაბოლოავდებოდა, შედიოდა «გოსტორგის» კასაში. მთელი საქონელი გაიყიდა «გოსტორგის» წარმომადგენლის თანდასწრებით და მისი კონტროლის ქვეშ. დადგა ანგარიშის გასწორების დროც. აღმოჩნდა, რომ საქონლის რეალიზაციიდან შემოსულა სულ 306.014 მან. და 17 კაპ.,

იმ დროს ერთი თურქული ლირა დაახლოვებით ერთ ჩერვონულ მანეთს უდრიდა; მაშასადამე სტამბოლის ბაზარზე 64 ათას ლირათ ნაყიდი საქონელი კომუნისტური ხელისუფლების ლოცვა-კურთხევით გაყიდულა საქართველოს ბაზარზე და ისიც ბითუმით 306. 614 ლირათ, ე. ი. 400 პრ.-ს დამატებით. ოპერაციას დაუტოვებია წმინდა მოგება 211 ათასი მანეთი (თვითღირებულების ფასებში ბოლშევიკებმა არ ჩათვალეს ნებართვის სასყიდლათ გაღებული 40 ათასი ლირა და აგრეთვე სხვა ლეგალური და არალეგალური ხარჯები), რომლის ნახევარი—105.500 მან. ხვდა «გოსტორგს».

ამ მოგების გარდა, როგორც გვიჩვენებენ ზევით დასახელებულ «სახელმწიფო კომისიის» ოქმებიდან ამონაწერში მოყვანილი ციფრები, ხელისუფლების სალაროში შესულა სხვადასხვა ჯურის გადასახადების სახით 76.733 *) მანეთი, სულ მოგებიანათ ერთად 181.233 მან. ამას უნდა დაემატოს აგრეთვე, როგორც ბოლშევიკების მიერ ქრთამათ გაღებული, ის 40 ათასი ლირა, რომელიც ვაჭრებმა გადაიხადეს ნებართვის საყიდლათ და მივიღებთ 221.233 მან. აი ეს თანხა მიუღიათ ბოლშევიკებს ერთი, შედარებით მცირე, სავაჭრო ოპერაციისაგან. 221.233 მან. გაეწერა 64.000 მან. საქონელს და გადახდა ქართველ მომხმარებელს, როგორც არაპირდაპირი ფარული გადასახადი.

ვაჭარი რომ სპეკულიაციას არ ერიდება, ყველამ კარგად იცის, იგი ვაჭრობს მოგებისათვის და სარგებლობს დროით და გარემოებით. მაგრამ სად გაგონილა და სად ნახულა, რომ მთავრობა, და ისიც ისეთი მთავრობა, რომელიც თავის თავს მუშურ-გლეხურ მთარობას უწოდებს, ასეთ უმაგალითო სპეკულიაციას ეწეოდეს და ყაჩაღურათ ცაუცვავდეს მომხმარებელს?

წინდა, ძაფი და სამართებელი ფუფუნების საგანი არ არის, არამედ პირველ მოთხოვნილების საგნებია და მათი მომხმარებელია მუშა და გლეხიც. მაშასადამე ზევით აღნიშნული თავისი სიდიდით უმაგალითო არაპირდაპირი ფარული გადასახადი ძარცვავს მუშასაც და გლეხსაც იმ კომუნისტური ხელისუფლების სასარგებლოთ. რომლის ირგვლივ შემოკრებილი არიან ყველა ჯურის მძარცველები და მფლანგველები.

ივ. — იძე.

*) ამ თანხაში შედის 32.588 მან. საბაჟოს და სალექცენზიო ხარჯები, დანარჩენი 41.145 მან. შეადგენს გადასახადები საბრუნავ თანხაზე, მოგებაზე, სათანაბრო გადასახადს და სხვ.; მთელი ეს უკანასკნელი თანხა გადახდა ვაჭრებს მათ წილ მოგებიდან.

კავკასიელი კრები და კავკასიის ხაკითხი

ფრ. ლამბერტი ს ა.

კიდევ გადაუჭრელი კავკასიის პრობლემა არ შეიძლება ჩავთვალოთ ისეთ საკითხათ, რომლის უყურადღებოთ დატოვება შესაძლებელი იყოს. ის ადრე თუ გვიან, უფრო კი ადრე, მთელი თავისი სიმწვავეთ საერთაშორისო საკითხების გადაჭრის

მსვლელობაში შეიჭრება. ბუნებრივი ხიდი ორ ქვეყანათა შორის კავკასია წარმოადგენს მსოფლიოს ერთ საყურადღებო სტრატეგიულ პუნქტს, მეტათ მნიშვნელოვან კომუნიკაციის ცენტრს, რომელსაც ვალდებულია გაყვეს ყველა, ვისაც არ უნდა საერთა-

შორისო მდგომარეობის მოულოდნელი ცვლილებების წინაშე მოუზადებელი დარჩეს. ეს კუთხე ცნობილია როგორც კარგი ჰავით, ისე სიმდიდრით, აქ ცხოვრობენ გმირული ხალხები (დაახლოებით 8 მილიონი სული), რომლებიც იბრძვიან თავის ქვეყნების დამოუკიდებლობისათვის. ეს ხალხები ევროპის გულგრილობის გამო (ევროპის ინტერესია მათი მისწრაფებისათვის მხარის დაჭერა) დღეს დაპყრობილია უცხო ხალხის მიერ და იმყოფებიან წარმოდგენილი ტერორის და ძალადობის რეჟიმის ქვეშ; ამ დამპყრობ ხალხთან მათ საერთო არაფერი აქვთ.

ეს ხალხებია: სამხრეთ კავკასიაში ქართველები, ადერბეიჯანელები და სომხები, რომლებიც დღეს ამიერ-კავკასიის ფედერაციაში შედიან და ჩრდილო კავკასიის ეგრედ წოდებული მთიელები, რომლებიც რამოდენიმე ავტონომიურ პროვინციებათ არიან დანაწილებულნი და დღეს შეადგენენ რუსეთის ნაწილს. ისტორია ამ ხალხების არის განუწყვეტელი ბრძოლა თავისუფლებისათვის.»

(აქ ავტორი იძლევა ამ ქვეყნების სწორ გეოგრაფიულ-ეთნოგრაფიულ აღწერას და საქართველოს ისტორიის მოკლე მიმოხილვას, რომლიდან შემდეგ ადგილს მოვიყვანთ):

«საქართველო არსებობდა როგორც დამოუკიდებელი სახელმწიფო რამოდენიმე საუკუნით ადრე საბერძნეთის და რომის სახელმწიფოთა დაარსებამდე. საქართველოს სახელმწიფოს ეპყრა მთელი ამიერ-კავკასია და შეიცავდა 15 მილ. მცხოვრებს. საქართველოს ანექსია მოახდინა რუსის მეფემ, ალექსანდრე პირველმა (1801 წ.) და ამის შემდეგ ამ ქვეყნის ისტორია არის მუდმივი აჯანყებები (1802, 04, 10, 10, 19, 30, 78)... მიუხედავად რუსიფიკატორულ პოლიტიკისა და სასტიკი რეპრესიებისა ქართველებმა შეინარჩუნეს ნაციონალური სახე...»

როცა თებერვლის რევოლუციამ დაანგრია მეფის რეჟიმი, ქართველები შევიდნენ ამიერ-კავკასიის ფედერატიულ რესპუბლიკაში, შემდეგ კი 26 მაისს 1918 წ. განაზრცილეს ყველა პატრიოტების ოცნება—დაარსეს საქართველოს რესპუბლიკა. (აქ ავტორი მოგვითხრობს დამოუკიდებელი საქართველოს ისტორიას, მის დაპყრობას ბოლშევიკების მიერ; ამის მიზეზს ავტორი ხედავს განსაკუთრებით საქართველოს გეოგრაფიულ მდგომარეობაში, მის სიმდიდრეში, რომელიც ასე ესაჭიროებათ ბოლშევიკებს; ავტორი ავგიწერს აჯანყებებს და ახასიათებს იმ ტერორს, რომელიც გამეფებულია საქართველოში).

«ის პროტესტი, რომლითაც ქართველებმა მიმართეს უცხო სახელმწიფოებს საქართველოს დაპყრობის გამო, ბოლშევიკებმა ჩასთვალეს რევოლუციონურ აქტად, და ის მცირე ნიშნები ავტონომიისა, რომელიც მათ კიდევ შეინარჩუნეს დაპყრობის შემდეგ, მოსპეს და საქართველო ისე როგორც უკრაინა გადააქციეს რუსეთის საკუჭნაოთ».

(მერე ავტორი აღნიშნავს იმ ზომებს, რომელიც გადადგმულია საქართველოს ნაციონალური მთავრობის მიერ ქვეყნის განსათავისუფლებლათ, ასახე-

ლებს პოლიტიკურ მოღვაწეებს, ყურნალ-გაზეთებს, ორგანიზაციებს და ათავს ამ ნაწილს შემდეგი სიტყვებით):

«აჯანყებები, რომელსაც ქონდა ადგილი საქართველოში ოკუპანტთა წინააღმდეგ, ყველა მარცხით დამთავრდა და ამ გარემოებამ ცხადი გახადა, რომ ყველა კერძო გამოსვლები წინაწინ განწირულია, მიზნის მისაღწევათ საჭიროა ყველა დამორჩილებულ ერთა ძალების გაერთიანება. და მართლაც უკანასკნელ დროს დაიწყო ფართე ეროვნული მოძრაობა უკრაინიდან თურქესტანამდე, რომელსაც მიზნათ აქვს გაერთიანება ყველა ძალების ბოლშევიკების წინააღმდეგ.»

(აქ ავტორი ახერბეიჯანს ავგიწერს და გვაცნობს ამ ქვეყნის მოკლე ისტორიას მის ბოლშევიკების მიერ დაპყრობამდე;—ბოლშევიკები მეფის ტრადიციულ გზას გაყვეს და ახერბეიჯანის ნათის წყარობის ხელში ჩაგდება მოიწადინეს—ამბობს ავტორი და უმატებს, რომ ახერბეიჯანი ისე როგორც საქართველო საბჭოების და რუსეთის წინააღმდეგ არის და ათავებს შემდეგი სიტყვებით):

«ახერბეიჯანი, რომელმაც სხვა ქვეყნებთან ერთად მოწაწილება მიიღო დიდ ომში და მოკავშირეთა გამარჯვების საქმეს მსხვერპლი შესწირა (გენერ. მეხმანდაროვი, შიკლინსკი, უსუბეკოვი), იბრძვის და მოითხოვს სხვა კავკასიის ხალხებთან ერთად თავის ქვეყნის დამოუკიდებლობას».

(მეომთ ავტორი ახასიათებს სომხეთს, მის პოლიტიკას, რომელსაც რუსოფილურს უწოდებს, რაც ავტორის აზრით უსდევია სომხეთის მიმე მდგომარეობის, მარა ფიქრობს, რომ კავკასიის კონფედერაციის დაარსება სომხეთს რუსეთს ჩამოაშორებს და თავისკენ მიიზიდავს)...

ავტორი ავგიწერს ჩრდილო კავკასიის მთიელებს და მათ თავდადებულ ბრძოლებს რუსეთის წინააღმდეგ, გვაცნობს ამ ხალხთა მისწრაფებებს.

«ამ მოკლე მიმოხილვას სამართლიანობის დაცვის გარდა მიზნათ აქვს დაანახოს ევროპას, რომ კავკასიის ერთა სურვილები ეთანხმებთან ევროპის ინტერესებს. ევროპა, რომელიც დაინტერესებულია ყველა მთავარი საერთაშორისო გზების თავისუფლებაში, უნდა დაინტერესდეს კავკასიის ბოლშევიკებისა და საერთოთ რუსეთის ბატონობისაგან განთავისუფლებაში. თუ ეს გზა იყო და არის სარბიელი მუდმივი შეჯახების და ომებისა, დღესაც ეს საშიშროება დარჩენილია მთელი ევროპისათვის და ეს მუქარა რუსეთიდან მოდის. რუსეთის ცდა თვილი ზღვების ნაპირების დასაპყრობად არის მუდმივი საფრთხე მშვიდობიანობისათვის. შავი ზღვიდან მოკიდებული მანჯურის მინდვრებამდის რუსეთი უტევს იმ ხალხებს, რომლებიც ამ მიმართულებით მას წინ ელობებიან. პოლიტიკა და დაპყრობები პეტრე დიდის—ესტონეთი, ლივონია, ეკატერინე II-სი—ყირიმი, ყუბანი, პოლონეთი; ალექსანდრე I-ის—საქართველო, ბესარაბია და სხ. ამას გარკვევით გვიდასტურებს.

მეორეს მხრით ბულგარეთისა და რუმინის დამოუკიდებელ სახელმწიფოთა დაარსება ნათლათ



გვიჩვენებს, რომ ევროპამ გაითვალისწინა საშიშროება და მიიღო ზომები რუსეთის მადის შესამცივრებლათ.

კავკასიის დაპყრობით რუსეთის მეფეები ქმნიდნენ ბაზას, რომ მერმეთ უფრო მოხერხებულათ წასულიყვნენ ერთის მხრით სპარსეთის ყურესა და ინდოეთის ოკეანესაკენ და მეორეს მხრით ანატოლიისა და ხმელთა შუაზღვისაკენ.

რევოლუციამ არაფერი შეცვალა რუსების იმპერიალისტურ ზრახვებში, ესლაც ძველებურათ სტამბოლზე ოცნებობენ.

ბოლშევიკური რუსეთი, რომელსაც ხელთ უპყრია გზები ცენტრალურ აზიაში, ემუქრება ყველა ევროპიულ კოლონიალურ სახელმწიფოებს. ის სარგებლობს აზიის ხალხთა გულუბრყვილობით, რომ ამომძრავოს მათი ძალები მსოფლიო კაპიტალიზმის დასამხობათ და ევროპის დასაუძღურებლათ. აქ მან უკვე მიაღწია დიდ შედეგებს ავღანისტანში, სპარსეთში, და ინდოეთის საზღვრებზე, რასაც ამოწმებენ მათთან დადებული ხელშეკრულებანი.

ამ რიგათ ბოლშევიკური რუსეთი დაუანლოვდა სპარსეთის ყურეს, ის გამაგრებულია შავი ზღვის ნაპირებზე, მის ხელშია კავკასია და უკრაინა და როგორც წინეთ ცარიზმი, ისე დღეს ბოლშევიზმი ემუქრება დარღანელს.

ილიუზიები უნდა მოვიცილოთ. ყოველგვარი ხელშეკრულებანი ბოლშევიკებთან უიმედოა საქმეა.

ისინი არასოდეს უარს არ იტყვიან ევროპის წინაღმდეგ ბრძოლაზე და კანფლიკტიც აუცილებელია ხელშეკრულებანი, რომლებიც ზოგ ევროპის სახელმწიფოებმა ბოლშევიკებთან დასდეს, მხოლოდ მის არსებობას ხელს უწყობენ ევროპის საზარალოთ.

ამიტომ კავკასიას საერთაშორისო მნიშვნელობა აქვს... ის უნდა გადაიქცეს შვეიცარიათ, ნეიტრალურ სახელმწიფოთ, რომელიც კეთილგანწყობილი იქნება ევროპისადმი... ეს იქნება გარანტია ზავისა და მშვიდობიანობის.

არ უნდა დავივიწყოთ, რომ კავკასია დამიკვიდრებს დამოუკიდებლობას უკრაინასთან და თურქესტანთან ერთად და ეს სახელმწიფოები ბალტიის და პოლონეთის საშუალებით შექმნიან ერთ ანტისოვეტურ ბლოკს და ეს იქნება თავდები დიდი მშვიდობიანობისა.

რასაკვირველია, რუსეთი ადვილად ხელს არ აიღებს კავკასიაზე, რომელსაც «რუსეთის გვირგვინს» საუკეთესო მარგალიტად სთვლის, არც უკრაინაზე, რომელიც მიაჩნია კარად შავი ზღვისკენ და რომელიც აწვდის პურსა და ნახშირს. მაგრამ ეს არ შეიძლება იყოს მიზეზი ამ ქვეყნების დამონებისა. დიდმა ომმა ასწავლა ერებს ბრძოლა თავისუფლებისათვის და ვერავითარი ძალა ვერ შეაჩერებს ამ მისწრაფებას» *).

*) ეს წერილი დაიბეჭდა ამას წინად იტალიის გალენიან ჟურნალ «პოლიტიკა»-ში.

უცხოეთის მიმდინარეობა.

ჩინეთის ცდა.

ვამბობთ «ცდა», რადგან საბოლოო დასკვნის გაკეთება ვერ გაგვიბედნია! დაწყებული 1912 წლიდან, 16 წელიწადი მანასადამე, ვეება, სახლარო ჩინეთი, თითქმის ნახევარი მილიარდი მცხოვრებით, ნამდვილ რევოლუციურ დუღილშია. რამდენი რა არ ვაღიტანა მან, სამოქალაქო ომი, ყოველი სახისა და უკიდურესობის, ქლეტა, წამება, შიმშილი... ბოლო იქამდის მივიდა საქმე, რომ ეგონათ—საცაა ბოლშევიზმი და საბჭოთა სისტემა გაიმარჯვებს! და მართლაც, ბოლშევიზმის ფესვებს ხომ აღმოსავლეთში, კიდევ უკეთ, მონღოლებში ეძებენ ევრაზიელი, —რატომ ჩინეთში არ უნდა მოენახა მას ვაცილებით უკეთესი ნიდაგი, ვინემ რუსეთში? უკანასკნელი ხომ, იმავე ევრაზიელების არ იყოს, ევროპამ «გარყვანა», წაართვა მას პირველყოფილი «უმანკობა»! მაგრამ დახეთ, ჩინეთმა არ მოისურვა «მონღოლური» რეჟიმი, და ეს კი ვაუკვირდათ არა მარტო მოსკოვის ჯიეილებს, არამედ, გაცილებით მათზე ადრე, ნამდვილ განათლებულ რუსებსაც. 1912 წ., როცა პირველათ გაისმა სიტყვა «რესპუბლიკა», ყველას ეოცა. როგორ, ჩინეთი და რესპუბლიკა, სად ვაგონილა ეს?—გაიძახოდნენ არა მარტო რუსეთში. უკეთესი კიდევ, ბოგდიხანი ტახტიდან გადმოაბძანეს, მაგრამ ხელიც კი არ ახლეს, ის იქვეა, ჩინეთში, სცხოვრობს, როგორც უბრალო მოქალაქე! გაისხენეთ ნიკოლოზ მეორის ბედი, მისი ოჯახობის, მცირეწლოვან ბავშვების! მოსკოვის «მონღოლებს» არ

ეყო გამბედაობა საჯაროთ გაესამართლებიათ მეფე და მისი ამალა, გაერჩიათ ბრალიანი უბრალოსაგან, ქურდულათ, ლარულათ ჩაკლეს მწყვდიად სარდაფში, როგორც სხვა ასიათსები!

საანდაზოთ ქცეული ჩინეთის გადაულახავი კედლები, თურმე ნუ იტყვიოთ, სხვა ყალიბის ხალხს ჰყოფდა დანარჩენ მსოფლიოსაგან, თავის უხსოვარი კულტურით, ინდივიდუალობით. უკვე დადგა დრო, როცა არ შეიძლება ავდებულათ ხსენება აღმოსავლეთის, შორეულ და მახლობელ აზიის, ვითომ იქ ბინადრობენ ველურები, ბარბაროსები, მოკლებულნი წინსვლის, განვითარების უნარს. ჯერ კიდევ იაპონიის მაგალითმა გვიჩვენა, რომ აზიის უძველესი კულტურა, გადახალისებული ევროპის ცოდნითა, ტენნიკით, ხელოვნებით, არამც თუ არ ჩამოუვარდება ევროპის ახალ კულტურას, მრავალ მხრივ უსწრებს კიდევ მას.

ჩვენ არ ვფიქრობთ, რომ ჩინეთის გარდაქმნის უდიდესი პროცესი დასრულებულია, შეიძლება კიდევ გავხდეთ მოწმე მოულოდნელ ამბებისა, გასაოცარ ზიგ-ზაგებისა, მაგრამ ის, რაც მოხდა და ხდება, ცხადზე უცხადესია, დიდი საეპოქო მნიშვნელობისა არა მარტო საკუთრათ ჩინეთისთვის, არამედ მთელი ქვეყნიერებისათვის. არც ის უნდა ვიფიქროთ, რომ ჩვენი თაობა მოესწრება ყველა, თუ გინდ უმეტეს, განუზომელ შედეგებს, რასაც ჩინეთი და მისი ხალხი კაციობობას უმზადებენ.

საკმაოა ამ თარიფვე ვთქვათ, რომ დღეს ჩინეთი

აკეთებს გმირულ ცდას სახელმწიფოებრივ გაერთიანებისას, რაც წინასწარი პირობაა მისი ძლევამოსილ გამოსვლისა საერთაშორისო ასპარეზზედ. პირველი ნაბიჯი, რაც მან გააკეთა, ეს იყო სუნ-იატ-სენის ნაშთის ნაწილში გადმოტანა და მისი პროგრამის თავისად გამოცხადება. როგორ? სუნ-იატ-სენი ხომ ლენინის მეგობარი, მისი მიმდევარი იყო? — შეიძლება თქვას ვინმემ. დიახ, ის თვითონ ასე ნათლავდა თავის თავს, მაგრამ ეს იყო მხოლოდ ტაქტიკა მისი მხრით. გარემომორტყმული აურაცხელი მტრებით, ის სარგებლობდა მოსკოვის ტყვიანობით, ფუოით... მაგრამ, რაც შეეხება მის პროგრამას, ეს მან ლენინზე ადრე დასწერა, და იგი იყო ევროპული და არა «მონღოლური». უზენაესობა ერის. დემოკრატია, თანასწორობა სხვა უზენაეს ერებთან—აი, მოკლეთ მისი პროგრამის ღერძი, და კიდევ ამიტომ ნაწილის მთავრობის პირველი დეკრეტი სწორეთ ამ ღოზუნგებს შეიცავს და, ამის გარდა,—ყური დაუგდეთ!—ბოლშევიზმისა და კომუნისმისაგან სასტიკ გამიჯვნას.

ამ ქამად თათბირობენ. პეკინში ღენერლები და სამოქალაქო მინისტრები. ამბობენ, ამ ორ კატეგორიის პირთა შორის არის სიტყვიერი ბრძოლა, თვით ღენერლებიც ეცილებიან ერთმანეთს, ჩანკაი-შეკ და ფენ-იუ-სიან უნდობლათ უყურებენ ერთმანეთს. მესამე გმირი გასულ წლებისა—ჩან-სოლინ ბომბამ იმსხვერპლა, ფიქრობენ მოსკოვის «მარკისა»; მისი შვილი მოექცა მანჯურიას სათავეში, და ცდილობს მორიგებით გაათავოს პეკინთან საქმეც; თვით პეკინი ნანკინში უნდა გადაიტანონ, ე. ი. ეს გახადონ დედა-ქალაქად... იმავე დროს ხდება ძველი პარტიის გუო-მინ-ტანის გადახალისება, არ იციან, რომელი ფრთა გაიმარჯვებს.

მაგრამ, თავი და თავია, როგორ შეხედვენ შექმნილ მდგომარეობას დიდი სახელმწიფოები. მათი მთავრობანი სდუმან, ან ზოგადათ უცხადებენ ნაციონალისტებს სიმპატიას, უფრო კი ბეჯითად ადევნებენ თვალ-ყურს ამბებს, არ სჯერათ კიდევ, რომ სამოქალაქო ომი ბოლოვდება. ახალი ჩინეთი კი აცხადებს, მზათ ვარ გელაპარაკოთ ახალ ხელშეკრულებათა დასადებათ, როგორც თანასწორი თანასწორს; აუქმებს ძველ შეზღუდვებს ბაჟებისა და გადასახადების დარგებში. არასფერს ამბობს ახალი მთავრობის იურიდიულ ცნობაზე, თითქოს ეს არ აინტერესებს მას: ვარსებობ, რა გზა გაქვთ არ მიცხვოთ!—ამბობს ალბათ თავის გულში.

ბერლინი და პარიზი.

უკანასკნელმა არჩევნებმა გერმანიაში მარცხნივ გადახარა სასწორი, საფრანგეთში კი მარჯვნივ, როგორც ეს კიდევ ავღნიშნეთ მაისის მიმოხილვაში. საინტერესოა ისრის ასეთი ქანაობა, ძველ რეისტაგში და პალატაში სწორეთ წინააღმდეგს ვხედავლით: გერმანიაში მარჯვნივ ქანაობდენ, ხოლო საფრანგეთში—მარცხნივ! რა გავლენა ექნება ამას ორსავე ქვეყნის ურთიერთ დამოკიდებულებებზე?

არაჩვეულებრივი იყო გერმანიის მთავრობის შედგენა. რეისტაგის ფრაქციები ვერ შეთანხმდნენ, არ იცოდნენ, რა კოალიცია გაიმარჯვებდა: ვაიმარი

—ვიწრო, (სოც. დემოკრატები, ცენტრი, დემოკრატები), თუ ფართე (პოპულისტების დამატებით). ბოლოს სოც. დემ. მიუღერი, რომელსაც მიენდო კაბინეტის შედგენა. იძულებული გახდა, პიროვნებისთვის, თვითეულ დასახლებულ ფრაქციის ლიდერისთვის მიემართნა, და ამან გასწერა. ამ რიგათ, პარტიები და ფრაქციები ვერ შეთანხმდნენ, ხოლო მათმა ლიდერებმა ერთ კაბინეტში ამოყვეს თავი, შემარჯვენენი—რევანისტები გარეთ დარჩენ.

სამოქმედო პროგრამაც კი შეიმუშავეს: მუშების საშუალო შემოსავალზე გადასახადის გაუქმება, პოლიტიკური ამნისტია, II ავგისტოს (ვაიმარის კონსტიტუციის მიღების დღე) ეროვიულ დღესასწაულად გამოცხადება; ხოლო, რაც შეეხება საგარეო პოლიტიკას, რენის ევაკუაცია, დაუსის სარეპარაციო გეგმის გადახინჯვა... და აქვე უნდა აღინიშნოს ხაზ გასმით კანცლერ მიუღერის კატეგორიული განცხადება, რომ გერმანიის საგარეო პოლიტიკის ორიენტაცია დასავლეთისკენაა. სხვაგვარ არც შეიძლებოდა, რადგან საგარეო სამინისტროს მეთაურად ისევ შტრეზმანი რჩება, ლოკაროს ერთი ავტორი.

არა ნაკლებ საინტერესო იყო საფრანგეთის შემთხვევა. პალატა აირჩიეს შემარჯვენე, ხოლო პუანკარემ ძველი შემარცხენე კაბინეტი დასტოვა! ეს ყველას ეოცა პირველ ხანებში, შემარჯვენე მარენის ჯგუფმა მოითხოვა, თანხმათ ახალ ძალთა განწყობილებისა, მეტი პორტფელი. დღეს მხოლოდ თვითონ მარენია კაბინეტში. რადიკალ-სოციალისტებმაც, რომელთაც 4 მინისტრი ჰყავთ, ოპოზიციაში გადასვლა განიზრახეს, მაგრამ პუანკარე გადადგომით დამეუქრა ერთსაც და მეორესაც და ისინიც შედრკენ. ან როგორ შეიძლებოდა ურჩობა, რაცა ფრანკის სტაბილიზაცია კარზედ ადგათ, და ეს კიდევ მოახდინა პუანკარემ თვალის დახამამებაზე, ფაქტიურად არსებული კურსის მიხედვით, და გარეშე ფინანსიურ ძალთა დაუხმარებლათ. მართალია სახელმწიფო მხოლოდ ფრანკის ერთ მესხეთელს უნდაღებს (ოქროთი) ქალღმერთის ფულიის მქონელებით, მაგრამ ეს უკიდურესი ზომა გამოწვეული იყო სახალხო მეურნეობის გაჯანსაღების მისწრაფებით. პუანკარემ გაიყვანა კიდევ უფრო სწრაფათ ლუშერის დიდი გეგმა ხელმისაწვდომ ბინების აშენებისა, რაზედაც არა ნაკლებ 15 მილიარდისა უნდა დაიხარჯოს.

პუანკარეს დეკლარაციას საგარეო პოლიტიკის დარგში არაჩვეულებრივი არაფერი უთქვამს, კაბინეტის შემადგენლობა, განსაკუთრებით ბრიანის საგარეო მინისტრად დარჩენა, ისედაც ცხად ჰყოფს საერთო მიდრეკილებას: მშვიდობიანობის უზრუნველყოფა და გერმანიასთან კედევ უფრო დაახლოება. კონკრეტიული ნაბიჯები შემოდგომის სეზონისთვის იდება. აღსანიშნავია მხოლოდ, რომ ბერლინი და პარიზი თანხმობას უცხადებენ ვაშინგტონის პროექტს ომის «კანონ გარეშე» გამოცხადების შესახებ. რაცა მას ხელს მოაწერენ, ჩვენ მოგვიხდება მისი დაფასება; ესლა კი ვიტყვი, რომ უაღრესათ საგულისხმეორა ამ ორი დიდი ქვეყნის სოლიდარობა ასეთ პირველ-ხარისხოვან საერთაშორისო კითხვაში.

რომი და ანგორა.

რუსეთი ბეის, ანგორის საგარეო მინისტრის, მილანოში მუსოლინთან შეხვედრამ თავისი ნაყოფი გამოიღო, და ისიც ისე ჩქარა, რომ ვეროპის ბევრი პოლიტიკოსი სახტათ დარჩა. მართლაც, ვის ეგონა, რომ იტალია და ოსმალეთი ასე ადვილად დაუახლოვდებოდნენ ერთმანეთს? ჩვენ არ გვჭირია მოსულის კონფლიქტის გახსენება, ვიცით, რა როლი ითამაშა დუქემ მის მოგვარებაში. მაგრამ იმის შემდეგაც, დუქე საჯაროთაც არ მალავდა იტალიის მიდრეკილებას მცირე აზიისკენ და ანგორაში კარგათ გრძობდნენ საშიშროებას. ყველას შთაბეჭდილება ისეთი იყო, რომ იტალიას ინგლისს აქეზებდა ამ მიმართულებით, თუმცა არც იმას იკიწყებდნენ, რომ სწორეთ ინგლისს ყველაზე ნაკლებ უნდა სურვებოდა რომელიმე დიდი სახელმწიფოს დარდანელსა და სუეცის შუა გამაგრება! ასე თუ ისე, კვანძი გაიხსნა და ეხლა ვხედავთ, რომ ინგლისიც მომხრე ყოფილა, რომ რომსა და ანგორას თავ დაუსხმელობის და ნეიტრალიზების პირობა დაედოთ, რასაც, უეჭველათ, ორივე ქვეყნის ეკონომიური თანამშრომლობა მოჰყვება.

ეკვსმა წელმა განვლი ლონანის ზავის შემდეგ და მასზედ დამყარებული იმედები არ გამართლდა. ანგორა თავს იკავებდა ვეროპასთან მჭიდრო კავშირისაგან. დიპლომატიური დამოკიდებულება მას, რასაკვირველია, ყველა სახელმწიფოებთან ჰქონდა, მაგრამ დიდი შინაარსი არ ეყარა მაინც და მაინც მასში. ანგორა უფრო მოსკოვს ეხმატბილებოდა, საერთაშორისო ასპარეზზეც თითქოს მასთან შეთანხმებით გამოდიოდა; ერთა ლიგაში მისი შესვლა ხომ ზომიანად ადვილია... ამიტომ იტალია-ოსმალეთის დაახლოება თითქოს გადაწყვეტი ნაბიჯია ვეროპისაკენ; ჩვენ არ გაგვიკვირდება, თუ მას მოჰყვება მეორე ნაბიჯიც: ანგორის ლონდონთან დაახლოება!

არის მეორე მომენტიც, ჩვენთვის განსაკუთრებით საყურადღებო. თუ იტალია მოურიგდა ოსმალეთს, ცხადია, სიმძიმის ცენტრი მის პოლიტიკისა შავ ზღვაზედ გადადის. ამის ნიშნებს უკვე ვხედავთ იტალიის პრესაში: ხშირათ ამოიკითხავთ იქ უკრაინისა და კავკასიის რესპუბლიკათა სახელებს, სწორედ მათ ახლო წარსულზე, სიმძიდრეზე...

ღირშესანიშნავია, რომ დუქეს ერთმა მეგობარმა მწერალმა საქვეყნო განმარტა იტალიის გეზი და, სხ. შორ., კატეგორიულად უარყო ხმები, ვითომ მათ განეზრახათ აღმოსავლეთის ხალხთა კომბინაციებში შესვლა მოსკოვთან ერთათ და აქედან ინგლისის წინააღმდეგ, ფაშისტები არც ისე ბრიყვი ვართ—ამბობს ეს მწერალი—რომ რეალობის სახომი დაგვეკარგოს და ინგლისი დავინდუროთ, ჩვენი საუკეთესო მეგობარი ხმელთა შუა ზღვაზედა.

და ეს, მართლა, გასაოცარი იქნებოდა სწორეთ მაშინ, როცა მოსკოვის კომბინაციები მთელს აზიაში, დიდი ხანია, სრულიად ჩაიფუშა. ამის მაჩვენებელი ისიც იყო, თუ როგორ პირში ჩალა გამოვლებული დასტოვა მეფე ამანულამ ჩიჩერინი და როგორის ხალისით მოუწერა მან ხელი განსაკუთრებულ პირობებს ანგორის პრეზიდენტს და თეირანის შაჰს.

რას ხეწენ ბოლშევიკებში.

ინგლისურ გაზეთის «დ. ექსპრესის» ცნობილი თანამშრომელი გრენვალდი რუსეთში იყო, კარგა ხანს იმოგზაურა იქ, სამი ათასი კილომეტრი გაიარა და ეხლა თავის შთაბეჭდილებებს უზიარებს მკითხველებს. მისი დაკვირვებით, საბჭოთა რუსეთი დღეს განიცდის საშინელს კრიზისს, რომლის მზგავსი არ უნახავს ათი წლის განმავლობაში, «ეს კრიზისი მეტად გამწვავდება რამდენიმე თვეში, თუ პურის მოსავალი ცუდი იქნა. ხოლო თუ მოსავალი კარგი იქნა ან გვარიანი, კრიზისი გაგრძელდება ერთ წელიწადს, მაგრამ ბოლო იგივე იქნება. დამხობა აუცილებელია და კომუნისტებმა რუსეთში ან უნდა აღიაროს თავისი გაკოტრება ან არსებითად შესცვალოს თავისი პოლიტიკა. სხვა გამოსავალი არ არსებობს. ასეთთა ჩემი კარგად აწონილ-აწონილი დასკვნა ჩემი მოგზაურობიდან, იმისგან, რაც ვნახე საკუთარი თვალით და ასეთს ჩემს აზრს ადასტურებენ მთავრობის წარმომადგენელთა განცხადებანიც. ჩემი დასკვნა ემყარება პირობაპირს ფაქტებს. როცა ჩემთვის რაიმე გაუგებარი იყო, განმარტებას ვსთხოვდი როგორც ეხლანდელი რეჟიმის მომხრეებს, ისე მოწინააღმდეგეებს. მე ვიყავი ნახულის შეფასების დროს აბსოლუტურად მიუდგომელი».

გრენვალდის შეხედულებით რუსეთის დღევანდელს კრიზისს ახასიათებს: «ფულის ნაკლებობა. ფული მეტად ძვირია, ძნელად სმოვაგარია, მთავრობის სესხი მუდამ იძულებითია. ოფიცრები და სხვა მოხელეები ვალდებულნი არიან თავის ჯამაგირს ნაწილი სესხისთვის დასტოვონ. კრემლეები უკიდურეს ზომებს ხმარობენ, რომ კურსი დაიცვან, რომ 9 მ. 44 კ. უდრიდეს გ. სტერლინგს. მაგრამ ბერლინის ბირჟაზე ამ აპრილს სტერლინგში იღებდნენ 15 მ. ხოლო მაისში 20 მ.»... გლვებში უკმაყოფილება თანდათან იზრდება. გადასახადები დიდი აწევთ. საიღელ საქონელს ვერსად მოულობენ იმ ფულით. რომელსაც მთავრობისაგან იღებენ ხორბალში. სავაჭროებში საქონელი ცოტაა და რაც არის, მეტარ ძვირია. ლენინმა სანახევროთ მაინც შეიგნო თავისი გაკოტრება და გზა მისცა ნეჰს. დღეს სტალინი სულ სხვა პოლიტიკას მისდევს. უკანასკნელ ათი თვის განმავლობაში მოსკოვის 11 ათას კერძო სავაჭროდან დაკეტეს 4 ათასი. ასე სდევნიან კერძო მწარმოებლებს მთელს რუსეთში».

რუსეთში სიმშოილობა და ყოველგვარი გაჭირვება; ამის ამბები ყოველ დღე იბეჭდება უცხოეთის სხვა და სხვა მიმართულებების გაზეთებში. საბჭოთა შეშინებული მთავრობა გაფაციცებით დაეძებს ფულს, მაგრამ მსესხებელი არავინაა. მდგომარეობა, რომ სერიოზული და მძიმეა, ამას სხვათაშორის ის ადასტურებს, რომ ბოლშევიკები უცხოეთში დიდ ძალ ხორბალს ყიდულობენ და რუსეთში აგზავნიან. საქმე ისაა, რომ არც ახალ მოსავალს უჩანს მაინცა და მაინც საიმედო პირი. წინ საშინელი სურათები იხატება. შესაძლებელია ისევ კაცობრიობის დრო განმეორდეს რუსეთში და შესაძლებელია ისიც, რომ

უწომოთ გამწარებულმა ხალხმა სტიქიურად იფეთქოს თავის ბატონების წინააღმდეგ.

ბოლშევიკები პურს ყიდულობენ უცხოეთში იმ რუსეთისათვის, რომელიც უწინ უამრავ ხორბალს აწვდიდა სხვებს, და ამავე დროს, როგორც ინგლისური გაზეთი «ტაიმსი» აღნიშნავს, სამხრად ემზადებიან და იმავე უცხოეთში მსაწრაფებით იძენენ ტყვია-წამალს. რისთვის? ბოლშევიკები ომს გამოიწვევენ იმ განზრახვით, რომ გამწარებული ხალხის ფიქრი და გონება სულ სხვა მხრისკენ მიატრიალონ... ასეთი მოსალოდნელი ამბავი დიდათ აფრთხობს რუსის პოლიტიკოსებს და დიონეო, ოდესღაც მიხაილოვსკის თანამშრომელი და დღეს მილიუკოვის თანამოკალმე, მწარედ გოდებს: «თუ ბოლშევიკები გაგიჟდენ და ომი ასტეხეს, ეს იქნება ნიშანი რუსეთის დასანაწილებლად...»



ნოე ყორღანიახ ახალი წიგნი.

გასულ ზამთარში ნოე ყორღანიახ დამოუშვარულ ვენახე წიგნაკი «ნაში რაზნოვლასია», რომელიც არჩევდა ეროვნულსა და ტაქტიკის საკითხებს. წიგნაკმა დიდი აურზაური გამოიწვია რუს ემიგრანტულ წრეებში, მას გამოეხმაურა ყველა რუსული ყურნალ-გაზეთები უცხოეთში; უმთავრესად მისი შინაარსის მიხედვით სწარმოებდა დავა მრავალრიცხოვან კრებებზე, რომლებიც გამართა ეროვნულ საკითხის შესახებ გაზ. «დნსი» რედაქციამ პარიზში. აი მთელ ამ პოლემიკის დასკვნებს იძლევა ნოე ყორღანია თავის ახალ წიგნაკში რუსულ ვენახე: «იტოვი». ამ მხოლოდ ერთი თვის წინ გამოსულ წიგნაკსაც უკვე გამოეხმაურენ რუს-ემიგრანტული გაზეთები.

წიგნი ღირს 4 ფრ. გამოწერა შეიძლება «ბრძოლის» ან «დამოუკიდებელ საქართველოს» რედაქციიდან.

ს მ ა ს ქ ა რ ს ე თ ი დ ა ნ .

მე, ამ სტიქონების დამწერი, ხანდახან დავიხსურავ ხოლმე უჩინძაჩის ქუდსა. შევიძინებთ სპარსულ ვაჭრულ ტანისამოსით და დრო გამოშვებით მიმოვივლი ბოლშევიკ-კომუნისტების სამეფოში. სამწუხაროთ სხვადასხვა მოსაზრებით, ჩემს სამშობლო საქართველოში ვერ ვბედავ შესვლა-მიმოვლას.

ამას წინად ვიყავი ასტრახანში, იქაურმა ხალხის აუტანელმა მდგომარეობამ უტყუარად დამარწმუნა, რომ ბოლშევიკ-კომუნისტების ტკბილი სანეტარო დღეები მალე ბურუსით შეიმოსება. ქალაქში სანახევროთ არაა საჭირო საწვავაგე, თუ დროზე ვერ მოასწარით, პურს სრულიად ვერ იშოვნით.

კომუნისტებმა ათასს სისაძაღლეს ერთიც ზედ დაუმატეს: შეიარაღებული ჩეკისტები შუა დამეს შემობრძანდებიან თქვენს სასლში და საწოლიდან აგყრიან თქვენ და ოჯახის ყველა წევრებს. უნდა იდგეთ პერანგ ამრა, სანამ ისინი თავის საქმეს მორჩებიან, გაგჩხრეკენ თავიდან ფეხებამდე, თუ საეჭვო რამ გიპოვებს, მეორე დღის სინათლეს თქვენ ვერ იხილავთ, თუ რამ ძვირფასი ოქრო-ბრილიანტი აღ-

მოაჩინეს, თავისთვის წაიღებენ და თან დაგემუქრებიან: თუ ვინმესათვის გითქვამთ, რომ ჩვენ, ჩეკისტები, თქვენსას ვიყავით და რამე წავართვით, დიდიან-პატარიანათ დაგვხრეტავთო. სული და ცოლშვილი ტკბილია ადამიანისათვის და ვინ გაბედავს ხმის ამოღებას. პირიქით თქვენ ღმერთს მადლობას სწირავთ, რომ ცოცხალი გადაურჩით...

დაბრუნებისას გამოვიარე ბაქოში. აქაურებიც უმწყო მდგომარეობაში იმყოფებიან, დილიდან შვა დღემდე რიგში უნდა იდგენ ერთი გირვანქა პურისათვის. მოთმინებიდან გამოსული ზღვა ხალხი დაესია «კაზინი» დუქნებს და მილწმომლწვს, დაცარცვეს. დაფაცურდნენ ჩეკისტ-პოლიციელები და დაქრილ-დანოცილთა რიცხვიც გაიზარდა. ხალხი დააშოშმინეს, მაგრამ ვაი ამისთანა დაშოშმინებას. ყოველ წუთში მოსალოდნელია დამშუელ ხალხის ქუჩაში გამოსვლა. ჩეკისტებიც აღარ არიან კარგ გუნებაზე, მათთვის აღმოსფერა უკვე მოიწამლა. მაგრამ წყაბათარ საქმესა რას არგებს მერმელა თითხე კბენანი».

დღემდის კომისრის მკვლეელი ხალხში თავს ვერ შეინახავდა, ამ უკანასკნელ ხანებში გარემოება შეიცვალა, ქალაქად და სოფლად გახშირდა «რობკორების და სელკორების» კვლა, მაგრამ მკვლელებს კი ვერ პოულობენ.

ამ ერთი კვირის წინ მოსკოვიდან ბრძანება მოუვიდა ადგილობრივ მის წარმომადგენლებს, რომ მათ თანამშრომლებს 40 პროცენტით შეუმცირდა ჯამაგირი. მაგრამ ამით მათი უკვე დაცარიელებული კასის შევსება ძნელია.

კვრისხელი.



გიორგი რუსაძე.

სტამბოლიდან გვატყობინებენ: საქართველოდან ახლად გამოსული ლტოლვილი—ახალგაზდა გიორგი გიორგის ძე რუსაძე გარდაიცვალა ფილტვების ანთებით...

წმინდი რედაქციის მიმართ.

პატივცემულო რედაქტორი!

დღემდე ვირიცხებოდი «თეთრი გიორგის» ორგანიზაციაში. მაგრამ დავრწმუნდი, რომ ერის ცხოვრებაში დგება ხოლმე ისეთი მომენტი, როდესაც აუცილებელია ყველა მის ღირსეულ შვილთა შეერთება და შეკავშირება ერთ დიდ ეროვნულ იდეალში, გარეშე წვრილ და ჯგუფურ ინტერესებისა, — ამიტომ გამოვიდვიარ ზემოხსენებულ ორგანიზაციიდან და ვაცნადებ ჩემს თავს ყოველგვარ პოლიტიკურ პარტიათა გარეშე და ვთხოვთ მივულოთ როგორც ერთ-ერთ უბრალო ჯარის კაცი, რომელიც ერისათვის საჭირო მომენტში, — ჩვენი ეროვნული დროის ქვეშ, ჩვენი მოწინავე საზოგადოების საერთო ფრონტს რომ უკავია, — გაიღებს თავის წვლილს და შეასრულებს მამულიშვილის მოვალეობას.

პატივისცემით კარლო ივანესხე მღვდრძივილი.

Rédaction et Administration.

M. J. GOBETCHIA

7, rue de Ponthieu, 7. Paris.